


CHINA

Hun yin

# 南 拍 姻 婚



全大



**PLEASE DO NOT REMOVE  
CARDS OR SLIPS FROM THIS POCKET**

---

**UNIVERSITY OF TORONTO LIBRARY**

---

HQ

743

H85

1922

V. 2

**East Asia**



家庭寶鑑

# 婚姻指南第一冊目錄

## 第四編 男女通信法

### 第一章 緒論

### 第二章 無婚姻關係之通信法

### 第三章 有婚姻關係之通信法

### 第四章 通信之種類

### 第五章 男女通信之程序

### 第六章 男女通信之稱謂

### 第七章 男女通信之格式上

### 第八章 男女通信之格式下

### 第九章 通信有四忌

貢少芹著



第十章 結論

第五編 婚姻準備法

第一章 新郎身心營養法

第二章 新娘身心之營養

第三章 新房佈置法

第四章 結婚之預備

第五章 禮儀之議定

第六章 新娘之必要注意

第七章 新郎之宜注意

第八章 對付新娘之方法

第九章 各項儀式之禮節

江季子著



第十章 結婚之附屬問題

第六編 男女衛生法

張械泉著

第一章 通論

第二章 結婚之年齡

第三章 與有病人結婚之害

第四章 婚媾之注意

第五章 生殖作用之時期

第六章 結婚以後之節制

第七章 有害女子之交接

第八章 醉後交接之害

第九章 食物與情慾之關係



第十章 男子生殖器之構造

第十一章 女子生殖器之構造

第十二章 生殖器之養生法

第十三章 男子生殖器之疾病一

第十四章 男子生殖器之疾病二

第十五章 女子生殖器之疾病一

第十六章 女子生殖器之疾病二

第十七章 妊娠

第十八章 不妊娠之原因

第十九章 胎兒及乳兒之調養

第二十章 結論



家庭寶鑑

# 婚姻指南第四編

貢少芹著

## 男女通信法

### 第一章 緒論

天懺生曰。通信一事。爲近頃交際社會上弗可少者也。矧關於男女婚姻之間。尤不容或缺。蓋通信可以達雙方之情愫。傳彼此之心曲。且當未結婚之時。泊乎已結婚之後。或彼此有未便以口舌爲直接談判者。舉無不假紙筆爲代表。庶得暢所欲言。若是乎。不得不藉重於通信之一法也。明矣。雖然。通信之法。亦不一。其端約略言之。其中有正當與不正當之別。何謂正當。曰。是在發乎情。循乎禮。止乎義。三者而已。何謂不正當。曰。關詞褻語。及非分之要。



求與無理之慾望數者而已。苟犯是弊，非特於婚姻上無濟於事，亦且於個人之道德之價值蒙莫大之玷矣。顧欲得一折衷適當辦法，非數語所能枚舉。殆盡無已著者，惟有條分縷晰以述之，俾吾男女同胞得所遵循焉。

## 第二章 無婚姻關係之通信法

此就普通男女而言之也。夫在專制時代，雖誼屬至戚之男女，亦無通信之必要。至今茲世界風氣開通，交際社會上日趨文明，此種頑固習慣久已革除。淨盡所謂憑尺素以通問好雅誼者，蓋亦數見不鮮矣。顧此中亦有界限之別，不可不悉心研究。苟稍不經意，最易犯嫌疑兩字之弊。然友誼上之通信，在所不禁。在頑固派視之，男女而號稱曰友，鮮有不斥吾說爲妄誕者。然居今之世，男與女友、女與男友，亦爲恒有之事。初何足怪？顧友之一字，其範圍亦甚廣。譬如有一男子焉，夙擅才華，豈無愛才之女子與之結文字因緣？



又試有女子焉。素通翰墨。亦有愛才之男子。與之訂著作知己。是亦一友也。甚有互相契慕。而竟未談一面者。則兩方達欽佩之忱。惟藉通信一法已耳。此類通信。務宜造意遣詞。得其分寸。竊恐始則假文字爲媒介。繼則假憐才而來。非分之求。吾見有青年學士。妙齡才媛。犯是病者。什居八九。何者。大凡慧業文人。斷無不深於情。慊之理。彼果遇有同調。勢必以愛極之故。而生覲覲恨不攘之爲己所有。然欲道其隱衷。旣難直接以言。更乏將命之使。思索再四。舍通信外。決無其他方法。坐是之故。而不規則之情。書出矣。其上焉者。則求諦婚姻之約。其次者。則爲苟合之要求。夫使此男女者。上無父母中鮮兄弟。或有父母兄弟。而非實行家庭專制政策。尙可得行其自由。所患者。以頑固之高堂。驟見是項穢褻之書。無不各怪其子女。胡爲軼出禮義藩籬之外。致貽門第之羞。怒其無狀。施以逼迫束縛。其行動甚至致其生命。而使男



若女資未遂之志歸於地下推原禍始皆此一紙書階之厲焉此大不可也。今欲求一適當通信之法第一不能語涉嫌疑第二不能詞近狎褻至稱謂間則尤宜冠冕堂皇即使此信爲其父母弟昆姊妹行所見決無絲毫罅隙予人以可疑之點斯得之矣此不可不研究者以上所述雖係男女社會上普通通信之法似無甚討論之價值然著者不得不略述之以備一格焉更願吾男女同胞勿嗤其迂闊而河漢斯言也則幸甚矣

### 第三章 有婚姻關係之通信法

是蓋有兩種類別（一）父母主婚者（二）自由結婚者夫父母主婚則彼男女在未婚之前本無通信之必要至若自由結婚其自初及終未有不藉信札爲介者此無庸疑義顧其中亦有數種類別有關於婚姻上而通信磋商者有關於婚姻外爲他事而有所接洽者亦有雙方誤會而以函件互相詰



責者更有因過事切責致彼此意見重生者且有書札中有壹意求全而釀成惡感者溯厥禍始皆此通信上有以貽之咎也試申論之

(甲)關於婚姻通信

從前男女婚事由議婚以迄迎娶凡女家之奩具男家之聘禮悉各由其父母主持至今日而風氣開通掃除專制家庭之惡習故男女凡關於婚嫁諸事儘可直接談判然有時所議條件弗能宣諸齒頰間者勢必以通信代達其忱惻顧是項磋商宣之於齒頰固難卽形之於筆墨尤不易何則大抵嫁娶禮節必稱量家世之有無以爲斷如有女子對於男子或爲非分之要求或爲無理之取給設男子於經濟界上無力供應則奈之何然彼旣以一紙書而來男子卽欲應所求而願與心違徒呼負負則必婉詞以謝絕夫當未結褵之始男子以愛女子故縱苦己所難彼或隱忍而不發迨他日旣正式



結婚後相處日久難保不因細故而生勃谿則男子必引前書爲口實是又必然之事也故吾謂關於婚姻上之通信凡非分之要求無理之需索咸不宜形之於筆間男女同胞幸注意焉

(乙)關於婚姻外之通信

今試有一男女於此雙方已訂定婚約矣當茲文明時代彼已經訂婚者雖未正式結褵然從前一切差澀常態自應掃除殆盡彼此晤面亦恒有之事或有名勝之遊劇館餐樓之聚會兩方因有其他阻隔未及親自走約者亦可通信以邀之夫此通信最易啓人疑團設彼函中措詞稍有深情繾綣處在當局者不過表其情好之忱而一自他人見之必將飛短流長謂一雙未結婚之夫婦胡爲顏之厚也甚或指其久有秘密事體今茲以函件相約度必偕往目的地以遂幽會之願嚮壁虛造弗留餘地更爲之對衆宣佈但知



逞一時口舌之快。初不爲彼男女名譽計。近頃如此類人。什居八九。就根本上討論。固若輩妄肆雌黃。亦由男女予人以口實。而自取其咎者也。吾謂未諧婚之男女。第一不宜常以隻字片紙示人。其或有不得已。事故而不能不通信者。亦宜再三審慎以出之。

(丙) 因通信而致誤會者

人謂未諧婚之夫婦。感情極摯。固矣。吾謂未諧婚之夫婦。意見易生。夫此說也。未有不嗤余言爲誕妄者。吾今試歷言其種種理由。則閱者或弗以余說爲忤乎。大凡世界男女。當訂婚之始。其愛慕熱誠。已達於極度。卽見有其他之男女。爲子都南威。復生。其心理上。都以爲不及己之所愛。然其求全責備之心。則較諸待遇普通人。而尤至深且切。以爲彼旣與我爲未來之伉儷。恨不自朝至暮。無晷刻間。偶離。卽使時時坐對。甚望其以一己精神面目。專注



於我設所愛爲他事偶有不豫者而彼轉疑其與己忽疎何則愛之極始有此種理想也於是面詰其故或因有未便明言之故乃通信以詢之在身受者自不得不覆函以辯護庸詎知愈自辯愈無以表明心迹而兩方面之意見生矣吾見有因通信而誤會者比比皆是焉男女同胞當此之際不宜有過事切責之信此不可不知也

(丁)因通信而生惡感者

此就過事切責之弊。充量而言之也。然吾聞夫婦於既結婚之後。因時相詬誶而生惡感。未聞有未結婚之前而亦犯茲弊者。曰有之。著者非惟得諸耳聞。亦且徵諸目見。茲試述一事如下。吾鄉有某甲者。與同里某女士自由訂婚。每屆假日。或男子約女晤於公園。或女子約男會於劇場。偕去偕來。形影相依。較諸已諧婚之夫婦。其樂尤逾倍蓰。一日。男子忽折柬邀女於翌晨作



平山堂之遊屆期女竟未至男子鵠候竟日卒未見其蹤跡心大疑謂女別有他遇先是女子賦性極開通凡於交際社會上輒喜嶄然露頭角毫無小家習氣男子以其過於放誕不拘小節深恐彼背已另有所歡以故時時防範之不遺餘力茲俟彼弗至滋疑益甚忿而旋家因作書致女責讓倍至且涉及穢褻之語實則女是日因病莫能興故未能赴約也女得書羞極成怒乃貽書痛詆之略謂偶爾爽約君胡不諒我之甚而乃以猥褻之詞誣我無論吾此心質諸天人而無愧也卽使如君所料吾已鍾情他氏然試問君果奈我何耶夫吾兩人結婚純粹出於自由選擇吾之性情君豈不知今者君旣懷疑於我吾謂君對於我不應先有微詞君當先自怪當日無觀我之卓識君與我旣意見忽生吾爲君計又何必留此不貞婦而貽君他日帷簿之羞乎君卽欲與我翻悔前議我不爲君怪也云云蓋女之此書本係憤極之



語意在男子得是函必自知孟浪而覆信謝過不遑詎料男子竟以其言爲實於是逕與之絕婚女亦疑男子萌其他異心故藉是舉欲與己脫離夫婦上之關係坐是種種誤會竟宣告離婚矣此又皆通信上貽之害也故吾謂未結婚之男女關於此類信札不宜有此

#### 第四章 男女通信之種類

近世男女較從前男女無不稍具普通之智識至通信一節凡曾經身入學校者即使程度較低亦可執筆而勉湊數語不過有文與不文之判別耳雖然世亦有男子文藝上之程度高出女子之上更有女子文藝上之程度高出男子之上此中要未可一概而論如其文藝較高者與文藝較低者通信而用湛深之詞意匪惟彼方不能明白曉暢已也亦且徒滋誤會之點須知自古文字辭取達意而止況通信乎是要在以淺近出之令人一望而了然



於心正如白香山之詩老嫗都解斯得之矣。今略舉數種如下。

(甲) 男女造詣相等者

兩方既具同等之程度。凡通信時。無論文義上。或深或淺。則閱者自無扞格不入之虞。吾每見有未諧婚之夫婦。平時屢以信札往還。以達其親愛之忱。更或以函件未能竟所欲言。於是著一切吟風弄月之作。所謂卽景卽事。懷人諸詩。爛然紛陳於尺素間。而唱者在前。和者在後。彼此得所愛。瑤章焚香。盟誦齒頰流馨。此誠人生無上上之美滿幸福也。近頃如此類男女。正不可多得。吾不妨略舉之。

(乙) 男子程度較女子高者

此種通信。較上述爲難。彼男子作函時。一本其雅人無淺語之宗旨。然其奈女子讀之。急切不能領悟何也。吾嘗見有此等男子。專喜作奧衍曲折信札。



以炫耀己之才華。甚至尺素中引經據典。滿紙咬文嚼字。彼女子見之。無從索解。欲求他人詮釋。書中命意。又恐爲其訕笑。無已。惟有以不解解之。爲愈。試思男子既具有錦心繡口之才。何必徒誇示未婚妻乎。此大不可也。吾謂男子對於程度較低之女子。凡通信時。其詞旨宜擇至淺而易解者。其庶幾乎。

(丙) 女子程度較男子高者

夫女子既較男子而高。似未必與不如己者訂婚。然其中或有他種關係。或誤以男子之才之學。與己五雀六燕。銖兩相稱者。今既訂定婚約。則雙方通信。自不可免。在男子之函語。涉粗俗固恒有之事。女子亦萬不宜對於男子。而用奧衍曲折之書信。致彼索解人不得何者。設犯此弊。則男子轉疑女子。有心傲已。將來於正式結婚後。反生無量惡感情矣。其男子不長於文詞。或



長於也。事女子。正不宜舉其一。而概其全焉。

(丁) 男女之程度遠遜者

或男子不識之。無而與長於文藝之女子訂婚。或女子目不識丁。而與深於文藝之男子訂婚。亦世界上常有之事。凡此則無互相通信之必要。姑置之。不論不議之列。可也。茲故從略焉。

第五章 男女通信之程序

同是一雙已訂婚約之夫婦也。然其中亦有資格之淺深。同是一雙未諧婚之伉儷也。然其中豈無階級之高下。譬如男子與女子由議婚以迄結婚。種種手續。須循程序進行。當此時期之內。兩方通信亦必按程序。不可稍有獵等之弊。著者今試假定一程序如下。以與我男女同胞研究焉。

(甲) 未訂婚時之通信法



雙方愛慕之眞忱已達極度而各各心理上俱存一非彼不嫁非此不娶之意見。然皆蘊之於中藏尙未便宣之於口。夫彼兩人既各斯契合。所夕相見。固爲事之恒有。卽信札往還。又事實上所必然。顧作普通之問訊。則可萬一冒昧而直接道及婚事。竊恐在稍有意識之男女。轉因此而懷避嫌之心。則事反不諧矣。是故男女當此之際。最妙勿作笨伯之舉動。如或亟欲求合。亦僅可於字裏行間隱露乞婚微旨。以覘彼之對於我向背。奚若然則將於何處覘之。無他。俟其答覆我之函中措詞爲準耳。彼果有心。儷我則必含。若卽若離之語。是在會心人能領略啓悟已耳。非可以言語形容之也。

(乙) 將訂婚時之通信法

此際關於訂婚之事。雙方已磋商就緒矣。然亦有要求問題。未便直接明言者。遂不得不藉重通信之一法。惟此項通信欲求語言得體。最爲難得。所患



者男子對於女子有輕薄戲謔之言女子對於男子有過格需索之事二者均失之矣須知婚姻大事爲倫常之一而一生之休戚相關當茲發軔之始甚或因細故致婚議半途中止是誠不值之甚吾謂男女萬萬不宜有此也

### (丙)訂婚後之通信法

此婚姻第一步之手續也論兩方情愫較前所述益增摯厚吾見有多數無意識之男女當其未訂婚時亟於遷就以求達最初目的及既訂婚之後又欲時時聚首苟所愛或爲他事羈滯者則必作信一通或走伴資送或置郵傳遞名爲問好實則邀之使來甚至稱謂之間哥哥妹妹我夫我妻語多不倫醜態畢露而當局者恬不知恥轉自鳴得意今茲男女犯此者什居八九毋怪士夫貽爲詬病也吾謂訂婚後之男女信固不可不通然其詞旨間尤宜落落大方卽有深情繾綣亦當於無迹象可尋中出之斯爲適中辦法至一



切綺思。豔語更當屏除。淨盡須知。夫婦分際。非苟合之娼婦可比。正無庸作此無謂之穢詞。以求互相取媚也。

(丁) 結婚後之通信法

顧或者曰。男女當未婚之前。通信一節。固不容或少。豈有既婚後而亦用此法者。則將應之曰。有。今試問。世界夫婦。自結褵以迄白首。豈能朝朝暮暮。形影相依。跬步不離。咫尺者乎。吾試歷舉之。或有宦游他鄉。而遠別妻子者。或有經商異地。而暫離婦人者。天涯睽隔。兩地情牽。而問安問好。設非通信。以達兩方之近況。將何以慰相思。相憶之苦乎。惟通信可以知遠道之平安。可以知故鄉之情狀。蓋男女當此際。其通信之法。宜多言安樂。少言憂患。而女子對於男子。尤宜不以吾言爲河漢。何者。若驟言家中有別項變故。則遠人必因是而起恐慌。甚或因焦灼過度。致生其他枝節耳。吾今引一事爲證。昔



吾戚戴幹如於民國三年赴京考試知事首途未及一月忽其幼子膺暴疾而卒其婦呂氏祕不告知復以十千錢購一窶人子形似己子者爲嗣余詢其故呂氏曰此時正屆考試二場設得是耗彼必悲戚弗與試而遄返矣匪惟知事微秩無所獲也且恐於彼生命不保蓋吾夫婦年近五旬祇有此子毋怪彼視此兒與生命相等吾是以始終不令彼知耳余服膺其言未幾戴已錄取分發江蘇便道旋里仍不知兒爲贗鼎迨呂氏歿族黨中有洩其事於戴者戴深歎其婦之賢視假兒與所生無異蓋成婦志也由此觀之非呂氏審慎於通信之效乎吾女同胞對於男子在外宜以呂氏爲法可乎

## 第六章 男女通信之稱謂

近見坊間所出版各書如文牘程式信札程式莫不燦然備陳資人以遵循之點獨關於男女婚姻上通信之稱謂尙付闕如非各書肆故遺茲缺點也



實以其事之瑣屑而假定爲難耳。抑知男女結婚一事，乃造端夫婦之始，卽通信一端，亦爲近今不可或少。然使無範圍以繩之，則又不免有過情失當之處。著者不敏，謹擬通信之稱謂數則，雖不敢謂吾男女同胞足資遵守，亦聊補各書肆所未逮，所謂以備一格是也。

通信必有稱謂，此一定不易之理也。然欲求一適當之名詞，則不覺其易。況關於訂婚後及未婚前之夫婦乎？非吾謂當分數項時期以定其稱謂，試約略舉之。

- (一) 未訂婚前之稱謂若何。
- (二) 已訂婚後之稱謂若何。
- (三) 既結婚後之稱謂若何。
- (四) 少年夫婦之稱謂若何。



(五)中年夫婦之稱謂若何。

(六)老年夫婦之稱謂若何。

以上六種類別皆男女必經之階級。今循序述之如下。大凡男女當未訂婚以前。兩方情愫備極投契。自無待言。然即使心理上牢牢嵌一夫婦影子。而口頭上決弗能逕以夫婦名義互相稱謂。蓋仍不過友誼上之關係也。吾嘗見有不解事之男女甫萌結婚之觀念。卽相依相近形影弗離。偕去偕來。宛然伉儷。有時以信札往還。男稱女曰吾歡。吾妹。女稱男曰情哥。或情郎。此類稱謂非僅名義不正當也。亦且有失己之身分。何則。試思曰情哥。情郎者。不且自居於姘夫姘婦之地位乎。然則將若何始得謂之適當。惟有仍從友誼的關係上着想。最妙或稱某某『先生』。或稱某某『女士』。又冠冕又大。方是書札縱爲其父兄及族戚所見。亦未必貽人以笑柄焉。至於已訂婚之



後其階級可謂進一步矣。通信手續自必較未訂婚而尤至繁且夥。然稱謂之間仍不宜過分狎褻親暱。夫論其分際。卽曰吾歡吾妹。情哥情郎。亦似不爲越分。妄謂若律以雅馴兩字。猶未敢遽以爲當必也。男稱女曰『卿』。女稱男曰『君』。名義較爲正大矣。若夫已結婚之後。其稱謂則更多矣。最愛者。男子稱女曰吾妹。女子稱男曰吾哥。最冠冕者。則男子稱女曰吾婦女。子稱男曰夫子。或良人所不可解者。男子稱女曰賢妻。女子稱男曰賢夫。夫賢之一字。出諸外人之口。則可。若出諸其夫其婦之口。則近於夸大矜張。豈己之夫若婦皆賢。而他人之夫若婦卽不賢乎。此不可用也。惟以吾婦與夫子爲男女通信時之稱。謂卽形之於紙墨間。亦無傷大雅焉。至於少年夫婦之稱。謂與已結婚後無甚差別。茲不復贅述。更言中年夫婦。夫男女至於中年以後。每借子女而定稱。謂譬如子名阿福。夫稱婦曰阿福娘。婦稱夫曰阿



福。爺。其。餘。可。由。此。類。推。究。之。是。項。稱。謂。終。嫌。鄙。俚。不。足。以。入。大。雅。之。林。又。有。稱。女。子。曰。太。太。稱。男。子。曰。老。爺。者。玩。其。語。氣。絕。似。僕。從。之。口。吻。亦。非。適。當。辦。法。莫。如。仍。以。夫。子。與。吾。婦。呼。之。泊。乎。老。年。夫。婦。通。信。可。以。無。庸。直。接。稱。謂。自。有。兒。孫。輩。以。任。其。役。無。庸。置。議。可。也。

## 第七章 男女通信之格式上

男女通信殊無一定之格式。茲舉數例。舉一反三。是在閱者。

### (一) 某女士寄海外夫君書

寒。林。隕。籜。陰。氣。厲。清。律。轉。應。鐘。朔。風。凜。冽。雖。洲。分。歐。亞。坤。輿。氣。候。不。無。少。殊。但。同。處。北。半。球。中。風。緊。霜。嚴。諒。無。大。異。鸚。冠。子。曰。斗。柄。指。北。天。下。皆。冬。或。者。尚。非。虛。語。也。妾。獨。居。無。侶。燈。燄。如。豆。讀。唐。人。崔。國。輔。子。夜。冬。歌。以。消。遣。幽。懷。見。有。寂。寥。抱。冬。心。裁。羅。又。裝。裝。兩。語。彷彿。道。着。數。夕。來。裁。剪。寒。衣。剪。刀。冰。冷。



時光景并儂家。娶娶不寐。午夜懷人之心。事征人遠道。聞此無聊消息。當亦默體閨中情緒。爲儂黯然神傷者乎。但妾爲此言。非因兒女情長。望眼將穿。冀遠人襪被言旋也。蓋乘風破浪萬里壯游。本爲求學計。學未畢業。豈得繫念家山。效伯約之當歸。違謝公之遠志哉。惟是自我不見於今三年。雖瑤函屢寄。玉照頻來。丰采如常。不似沈郎之消瘦。堪以略慰閨人愁緒。第學業若何進步。起居是否佳暢。悉以一二語了之。未向我作深談者。豈以儂本女流。無可與語耶。抑科學繁劇。自修爲勞。無暇及此耶。且歐陸風景殊異。我華瀕行之際。曾相告語。謂入歐之後。一俟寓居略定。卽當將彼處風俗人情。奇聞古蹟。或印入照片。或編成筆記。陸續寄歸。以慰儂懷。且廣見聞而資談助。故當時雖依依惜別。泣下霑巾。聞此不覺破涕爲笑矣。乃屢次平安家報中。雖述及游歷俄法英德諸大都會。然皆略而弗詳。未足償儂平生之希望。奈何。



奈何嗣後信中務將閱歷所得者一一詳告俾儂耳濡目染以作課後茶餘之資料藉消愁悶則一紙家書直抵萬金矣情長紙短不盡欲言努力自愛以慰妾心幸甚幸甚

(二)某女士之夫海外復函

海國潮來。徒將巨鯉。漁人撒網。獲而烹之。中有瑤函。啓其封。則玉札在焉。雖誦其文。張口結舌。瞠目難語。蓋因非旁行斜上。佉廬文字也。彼此傳觀。詫爲奇事。適郵差乘自由車過。睨之曰。此支那文也。吾當代送之。乃送至余處。盟誦再四。正卿之竹報也。卿卿聞此。得毋訝爲海外之奇談。游子之嚙語乎。但早有舊例。非吾獨創。古詩云。客從東方來。遺我雙鯉魚。呼僮烹鯉魚。中有尺素書。以余遠適異國。於今三年。時時默想古人雁帛魚書之說。不覺信筆及此。如君之蘭質蕙心。自當以意逆志。而一破懷人積悶也。歐陸之游。極爲滿



意如英國泰晤士之流貫倫敦上駕鐵橋下通輪舶法伊符培之中峙巴黎  
高聳重霄俯瞰全境德溫特的靈街之廣分七道人馬異途往來輻輳俄瓦  
兒克江之長二千四百英里舳艫銜接絡繹如梭皆令人駭爲奇觀舌橋不  
下今皆特攝真相資閨中之清賞但僕之游歷各大都會則不在侈域外之  
觀而特留意於政治實業觀英之水師則知古代之樓船尙多愧色觀德之  
陸軍則知六國之奮擊百萬徒擁虛名觀法蘭西絲業之盛而歎我國蠶業  
之不振觀俄羅斯近多印度茶之輸入而慨我國茶利之損失其餘若參攷  
俄之製革業也德之克虜伯礮廠也研究法之瓷器窰也英之紡織與金工  
也皆足以資借鏡而爲我國之改良模範至於彼邦之風俗則尙沈毅崇武  
勇此實華人不及西人之一大原因卿雖女流好在曾入女校較尋常巾幗  
通達數倍暇時如遇女友當廣爲演說以提醒沈沈酣夢未始無益於社會



余起居飲食較常倍健。差堪告慰。回國之期至遲在明年之冬。雖隔一歲。猶轉瞬耳。願勿徒作少婦怨。致瘦損腰肢也。

(三) 某婦覆夫從軍遠征書

一聲汽笛。風馳電掣之車。四壁胡茄雨瘴烟蠻之地。盼征塵而不見。縈夢轂。以徒勞情之所鍾。思何能已。每值課餘。繡罷香冷。茶溫。望眼將穿。迴腸欲斷。暗作金錢之卜。藉占一紙音書。頻聞玉漏之催。愈覺十分惆悵。輒吞聲而飲。泣歎。插翅以難飛。盼絕。塞之征鴻。飛蹤久杳。逐睡鄉之蝴蝶。魂夢皆驚。況復明月撩人。偏作團圞之照。遙憶秋風。作客愈增。蕭瑟之思。當茲匹馬關山。長途風雨。數聲鼓角。衝開鵝鵲之鋒。四面陰霾。深入虎狼之窟。槍林彈雨。路逼羊腸。劍影刀光。陣臨蛇尾。裹餽糧而不足。飢驅懷七日之悲。歎霜雪以無情。苦冷報重關之信。縱男兒心存愛國。不憚艱難。而丈夫志在封侯。何虞阻險。



惟妾也。深閨自守。遠道相思。數卜晝。卜夜之愁。極相憶。相思之苦。長亭送別。忽添菊圃之涼。小院迎秋。怕聽桐階之淚。且也。白沙黃草。一望彌漫。因之短。楊孤燈。寸心蘊結。懷難自遣。如聞五夜之鷓鴣。味到無聊。欲斷三聲之玃。憶昔。籠紗窗畔。合錦屏前。簪花拈並蒂之香。庭樹憩交柯之影。親調螺黛。畫入眉尖。細界烏絲。臨來腕底。不特水晶簾下。飽看梳頭。有時玉鏡台前。欣逢把臂。拋書午倦。喜同夢以俱。甘小語更深。試淺斟而薄醉。蓮子猜同心之謎。竹枝聯近體之吟。調鸚鵡於樓頭。泥他學語。浴鴛鴦於池畔。笑我含癡。往事重提。深情若揭。猶記天開。罨畫節近。清明開塲。拋比賽之球。遣興伴登臨之屐。踏青遠去。携手同行。拾翠歸來。憑肩小憩。流觴曲水。歌聲諧和。韻同飛並馬。芳郊金絡。與玉驄比色。迨夫春光老去。夏令新更。較肥瘦以親量。衣裁細葛。勞殷勤以拂拭。扇製新蒲。竹徑迎涼。月下對憑欄之影。蓮塘却暑風前。聯打漿。



之歌當時我我卿卿倍覺深深款款何意佳期七夕方欣牛女之逢頓教遠別雙星忽抱參商之感舊遊若夢離緒頻添既廢寢以忘餐更工愁而善病加以連朝苦雨聲聲牽少婦之愁傳來幾處疎砧夜夜動王孫之慕一奩秋水顧影堪憐千里浮雲停蹤莫卜同是離鄉背井杳如南去之鴻何時釣水游山笑共春歸之燕正勞引領忽慰歡心欣聞奏凱之歌已改駐防之轍風聲迭聽笑逐顏開驛使新逢書從遠遞縱使身經百戰幾瀕葱嶺之危幸教計裕六韜克樹柳營之績想班師有日定邀全體之歡迎惟愧我無才難慰高堂之色笑所幸家書二字足報平安尙祈逆旅孤眠特加珍重謹承囑咐預作綢繆遠寄南金冀共鹿車之輓日行北陸歸伸烏哺之私計將頌獻椒花劍當再合遲則聲喧爆竹鏡見重圓惟是十指經營難成覆簣一塵寄託無異浮萍茲已乳燕營巢勉竭啣泥之苦從此修羊供獻何虞無米之炊辜



負香衾。莫再作分飛之雁。修嚴中饋。願長依齊案之鴻。別夢離魂。懷思百結。曉風殘月。慎保千金。謹布區區。不盡縷縷。

(四)某女士勸夫冶游書

春光荏苒。良晨已度。花朝冷夢。孤悽愁境。怎逢月夕。彈二十五絃之錦瑟。多年未叶。雙聲盼三千餘里郵程。匝月莫通隻字。愁抑鬱其誰訴。人寂寞以少歡。游子他鄉。羈人旅夜。當亦有同情也。憶昔揚鑣就道。攀柳贈行。要魚雁之常通。不辭信誓。唱驪駒而告別。遽賦遄征。當是時也。妾亦曾搵香巾之淚。登樓而悵望天涯。增繡閣之思。停針而倦懷海客。然猶不忍尼君之行者。良以蓬弧之遠志。應在四方藁砧之當歸。原期一載故巧。偷廬家小字。慰情姑署。莫愁未織。蘇氏迴文。緘恨遽貽遠道也。乃者家鄉賈客。襖被言旋。詳詢征人羈旅之情。則時露微詞。不言責備。蓋鶯鶯燕燕。新歡不少。流連鰈鰈。鵲鵲舊



好。竟。忘。盟。誓。矣。夫。飛。觴。月。下。本。商。家。宴。客。所。時。需。顧。曲。花。前。亦。逆。旅。遣。懷。之。  
常。事。但。恐。烟。花。三。月。既。容。杜。牧。之。清。狂。絲。竹。中。年。遽。奪。謝。安。之。遠。志。矧。情。緣。  
密。縷。最。易。縈。心。恨。海。狂。瀾。宜。防。失。足。世。無。紅。拂。伊。誰。巨。眼。識。英。雄。時。乏。香。君。  
宵。肯。多。情。傾。措。大。而。復。金。迷。紙。醉。浪。擲。買。笑。之。千。金。玉。軟。香。溫。慨。贈。纏。頭。以。  
百。錦。其。如。一。旦。牀。頭。金。盡。囊。內。錢。空。卽。阮。眼。之。橫。加。遽。蕭。郎。之。莫。識。何。嗟。乎。  
在。妾。本。非。善。妒。亦。知。絮。絮。其。奚。爲。惟。郎。忒。煞。多。情。不。覺。叨。叨。之。靡。已。言。詞。率。  
直。幸。恕。愚。狂。早。晚。多。寒。諸。惟。珍。重。不。宣。

(五) 思婦寄征夫書

大。好。時。光。已。教。金。菊。對。芙。蓉。矣。平。時。試。探。芳。訊。總。說。早。作。阮。郎。歸。奈。何。屢。誤。  
佳。期。仍。令。儂。常。倚。高。樓。而。傷。情。怨。也。憶。儂。之。與。君。喜。團。圓。也。以。五。彩。結。同。心。  
字。誓。作。畫。樑。間。雙。雙。燕。固。不。願。彼。此。成。孤。雁。兒。使。人。惜。分。飛。乃。正。兩。兩。同。心。



而安公子忽好作少年遊。遂於春風裊娜中。急趁杏花天氣。泛下水船兒。南浦送君折柳枝。以贈別遙望海天闊。處眉宇間。不知添幾許新愁矣。然猶謂尋芳草而去者。未必不念家山也。不意醉舞春風。武陵春色。小桃紅已灼灼華矣。而未歌相見歡也。無何炎夏初臨。眞珠簾外。薔薇解紅矣。又無何而紅窗影透。榴花心動。得寶子矣。金明池畔。結雙瑞蓮。并綠蓋舞風輕矣。而仍未賦歸去來也。於是召卜算子。略訴衷情。謂秋夜月明。桂枝香裏。當得好消息。而令思佳客者。得永遇樂也。乃不惟未見明月。逐人來。今更滿庭霜菊。與並蒂芙蓉相對時矣。奈何未肯看花迴也。其依依章台柳。莫惜當年連理枝。而忘家中悲切子耶。抑瀟湘逢古人。不暇憶江南耶。然亦何至勞儂遠望行客。而不於新雁過妝樓時。寄數百小字。令令儂略慰耶。茲寄上望夫歌兩首。見詩如見望湘人矣。歌云。望江怨。煞碧雲深。引起闌干萬里心。減瘦綠腰。誰省。



識。宵。深。還。作。翠。樓。吟。醉。紅。妝。懶。鬢。雲。鬆。首。似。飛。蓬。愧。個。儂。一。自。思。君。秋。思。耗。  
捲。簾。怕。看。碧。芙。蓉。紅。情。綠。意。無。非。爲。惜。分。飛。一。日。思。君。十。二。時。願。君。子。夜。歌。  
此。二。章。特。擷。芳。詞。以。慰。愁。倚。闌。干。之。望。則。感。恩。多。矣。否。則。無。愁。可。解。采。雙。紅。  
豆。而。添。愁。非。薄。命。人。所。望。於。君。也。

(六) 征夫覆其婦書

霜。花。腴。處。因。思。家。而。好。夢。江。南。秋。蕊。芳。時。知。羈。客。而。未。歸。塞。北。遐。方。怨。恨。正。  
望。雲。涯。引。人。煩。惱。悵。憶。仙。姿。也。忽。應。門。之。醜。奴。兒。呈。上。小。桃。紅。牋。紙。閱。之。則。  
閨。中。醉。妝。詞。也。其。中。望。夫。歌。兩。首。雖。非。字。字。雙。聲。如。九。張。機。上。之。迴。文。錦。亦。  
不。輸。人。子。夜。歌。矣。藉。知。翠。樓。吟。就。之。際。屢。剔。銀。燈。柔。腸。寸。寸。作。丁。香。經。也。但。  
僕。亦。非。薄。倖。郎。回。憶。疇。昔。離。亭。宴。別。時。卿。曾。作。羅。敷。媚。僕。因。而。青。衫。濕。透。急。  
謂。今。當。杏。花。一。萼。紅。時。往。游。他。鄉。者。節。交。春。夏。兩。相。期。也。所。惜。餘。春。旣。去。新。



夏初臨以後。冗務羈身。致玉郎歸而弗得。然逆旅中之綺寮。然未必不兩同心。與閨閣中之紗窗。恨合也。故有時見小庭花放。則念及家中滿園花。而意難忘也。有時見雁兒疎影。則憶及新雁過妝樓。而令人愁也。有時舉頭望疎簾。淡月則低頭念吾家西樓月色。而默視人月圓也。豈如來書所云。有人解佩環者。善殢人嬌。遂甘爲輕薄之風流子。而不憶多嬌哉。昨至漏遲遲之際。夜雨霖鈴。隔著紅牆。聽去不無悶悶。因於玉山枕上口占瀟湘曲二首。曰。瀟湘夜雨冷。三秋苦憶江南客。愁霜葉飛時。秋已暮。何時明月掉孤舟。瀟湘猶雨夢。江南爲憶真娘歸。夢酣髣髴隔窗聽。細語香閨秋思怨。三三觀此亦略識歸來之好事近矣。大約瑣窗寒透。一剪梅相映。瑤台月時。當作看花迴。而開華宴。啣團圓。盃斷不至再待杏花天氣。始如燕歸來也。

第八章 男女通信之格式下



上章所述數則文義較深。若在程度極高之男女。不難學步。如其略解文字。粗識之。無者。設強其效。輦不幾。苦人所難哉。且駢儷詞章。涉獵典故。本非易事。無已。著者。惟有再摘錄極淺近極平易之書。札數通。載諸下篇。以備我男女同胞。瀏覽。或可藉資模範焉。

(一) 某君與某女士商榷訂婚書

某女士妝次。昨談甚暢。媾婚之事。既辱承應允。足見女士不以鄙人爲可棄。欣慰奚似。然茲事雖出於我兩人之感情。上結合僕思。苟不各使其堂上知者。則婚姻總嫌其不正。蓋擇之者。雖係吾儕而成之者。終必父母也。僕意不日將我兩人之事。稟陳堂上。然後再倩媒妁。向女士之父母乞婚。度女士亦表同情也。卽女士亦可於便中向慈親微露意旨。吾知老人對於女士向來持愛護主義。或不致加以譴責。女士其聽吾言乎。



(二) 某女士覆某君書

某某先生鑒。頃奉來示。敬悉種切。所謂婚姻以正一語。實先獲我心。惟稟陳堂上一節。在君不妨矢口直陳。然余固女子耳。容有不便啓齒之處。吾母縱極愛我。設遽語以終身大事。且謂與君已訂有成約。老人縱不責我。然試問余能毋慊然於心。而赧然於色乎。爲今之計。君惟有速要求父母。託人來議婚。吾母必憑吾一言爲決斷。屆時吾卽不事推託。表示默認。則得之矣。匆匆肅覆。諸維心照。

(三) 某君就學外方致其未婚妻書

某女士妝次。車站握別。倏已幾度蟾圓矣。遙憶諸凡。協吉無庸鄙人致念也。僕入校後。起居飲食。尙屬粗安。差堪告慰。回憶前者。我兩人花前月下。聯句敲棋。其樂奚似。乃曾幾何時。僕卽遠適他省。卿乃寂處閨中。兩地睽違。相思。



相憶之忱。曷其有極。念及此。不禁黯然消魂。度卿與我。亦有同情也。繼思暑假之期。距今不遠。又何惜暫別耶。然余不能不爲卿再三叮囑者。則在卿對於女交際社會上。務宜審慎詳細耳。方今女界道德墮落。已達極度。卿與若輩往還。稍一不慎。恐名譽上受莫大之影響。夫男子交必擇友。卽女子亦何獨不然。卿固慧心人。或亦知僕之意旨乎。余在校每屆暇日。輒與二三同學涉足諸名勝地。結識山水。因緣消却。胸中塊礪殊至樂也。凡至一處。則必攝影一幀。歸而珍什藏之。刻行篋中。已不下數十通矣。暑假旋里。當有以餉卿。好作臥游也。

(四) 某女士覆書

某某先生大鑒。頃奉手示。備悉種切規誡之語。切中時弊。至感至佩。第余近來已謝絕一般女友。惟日處深閨。與姊妹行敘談爲樂。或拈針黹。或閱閒書。



聊以消遣。固不俟君之諄囑。已早屏棄一切。無謂之徵逐也。幸稍紓綺注。來書謂近已積各地名勝小影數十幀。將歸以遺我。此固余所求而弗得者。余雖女子。頗有游歷天下。名山大川之志。徒以親老家貧。未克償願。果獲是風景畫片。披覽一週。直欲撲去胸中俗塵三斗。何幸如之。暑假旋里。乞君先數日賜函示知。屆時余當至車站鵠候也。此覆。敬頌日祉。

(五)某君經商滬上致其婦書

吾婦惠覽。昨接家報。已悉堂上精神康健。并家中人口平安。甚慰。余自至滬後。眠食均適。乞紓注念。惟稍形忙碌耳。滬上爲全國商務極盛場合。凡營業者。雖求聲氣聯絡。非與同業酒食徵逐。不能出人頭地。余極端持謹慎主義。凡金迷紙醉之場。餐館妓寮之地。從不輕易涉足。卽有時爲友朋敦勸。亦不過逢場作戲。決不敢沈溺於其中也。卿來書殷殷以是爲慮。非不慮周藻密。



然余豈流連忘返者哉。卿在家務宜善應門戶。老親春秋臘高甘旨之養。不可或缺。須知桑榆晚景。已去春暉。吾因謀衣食計。不克長依膝下。其代我之勞者。惟卿而已。卿多盡一日孝養。卽爲余減除一分罪戾。吾之屬望於卿者。僅此已耳。上月由郵局匯上洋若干。想已照收。望便中告我。

(六) 某婦覆其夫書

某某先生鑒。適奉手示。捧讀之下。備悉起居清吉。至欣至慰。承囑事奉高堂。菽水。妾敢不小心。將事。妾自于歸。君家以來。第一以孝親順夫爲女子應盡之職務。君縱不諄諄我囑。妾敢疎忽。致戚鄰訕新婦之不賢。而貽君羞耶。妾素抱此種思想。今旣適君。君之父母卽妾之父母。君卽家居。妾亦當分君之勞。以盡婦職。況君經商在外。乎此事。君可無庸置念也。前寄之五十元。刻下尙有餘資。君寄旅他鄉。一切交際。在在需錢。此際勿總總以家室累人是慮。



俟稍有蓄積再行續寄可也。朔風多厲，尙宜善自珍攝爲是。

(七) 某君爲子讀書致其婦書

吾婦見字前寄一函，并洋蚨衣料飾物多件，想已照收。惟至今未接覆信，念  
念想係家中諸務煩冗，未暇及此耳。蓮兒年已六齡，正屆入學之年，萬不宜  
令其拋荒，當擇一良好師傅教之。讀吾中表汪君積學士也，日前曾函致吾  
處，謂今春已受某紳之聘，課讀某紳府第，距吾家約十數武，可謂比鄰在望。  
余意使蓮兒至該處附讀，汪君與余誼屬至戚，當必悉心導誘，卿盍與彼言  
之，彼無不欣然應諾。如其見允，卿卽消吉送之入學。至束修贄敬等費，宜循  
例致送，勿因其至戚而減少各項儀節也。匆匆書此，卽候覆音。

(八) 某婦覆書

某某先生鑒：接到手示，備悉種切。蓮兒入學一事，當未奉來書時，妾已與汪



君磋商矣。伊云：無不遵命。惟某紳未卽承認耳。聞某紳有子女四人。茲特延汪君爲傅。蓋對於課程上異常認真。若蓮兒附讀。恐汪君心有所紛。是以遲疑莫決也。嗣經再三要求。彼方肯已。於二月初二日。使蓮兒受業於師門矣。好在此子素來賦性循謹。與某紳諸子女相處。尙不致有爭競之事。君勿掛懷可也。茲陳大略。俟有後言。再當續報。此問近佳。

(九)某君爲子女婚嫁事致其婦書

昨接來函。知雲兒珠女同時有人議婚。欣慰奚似。憶吾夫婦二十餘年。十次生產。僅留此一雙兒女。雖平時於表面上從不假以詞色。然愛之之心。實蘊於中。藏蓋恐驕縱之適。以長其志也。茲尙幸循循受教。無蕩檢踰閑之弊。未始非卿與吾平時善於教育之功。今者一則年將弱冠。一則時屆及笄。婚嫁大事。吾久已念念。今既有冰人作伐。實獲我心。來書謂乾坤兩宅均係清白。



身家且夙有恒產。須知婚媾大事。第一宜擇彼姓之子女。賢好與否。不必拘拘。先與人論其家世。子女而果賢也。雖寒素之家。亦可。果不賢。今雖富貴。安知他日不貧賤乎。第此事其難。其慎。非卿一人所能調查。而察訪之余。擬於某日撥冗。請假旋里。一行躬親其事。此蓋父若母應盡之職務也。

(十) 某婦覆書

來示已悉。所云旋里察訪乾坤兩宅子女一節。甚妥甚善。爰此事。非我女流所能勝任也。惟聞君邇來公務煩冗。不克分身。須請假始能返里。妾以爲君果爲他事羈延。此時正無需亟亟。卽稍緩時日。亦可。蓋子女婚姻大事。非可倉猝所能卽成者。若因此而妨礙公務。亦殊不值之甚。君尙其熟思之。乎其有暇。不妨一行此覆。順問旅安。

上述如此。是蓋著者欲予人以模範。故不揣譎陋。執筆著此。數則閱者慎毋。



因其簡樸無文而嗤之也。

## 第九章 通信有四忌

(一)穢褻語。穢褻之語無論何種人通信中均不宜有此。况關於男女婚姻上乎。苟於婚姻上而有穢褻語。非特自己喪失資格。亦且以妍婦視其未婚之婦矣。蓋夫婦本居於敵體地位。其男子必婚。女子必嫁者。實爲將來宜室宜家。非僅以爾貪我愛。終肉慾上之歡娛。以圖取樂於一時也。語云男女婚姻必以正。若通信中而含有穢褻兩字。是亦不正之一也。吾男女同胞其戒之。

(二)調侃語。大凡世界男女。苟於未訂婚時。其表面上尙僞作莊重不佻之態度。及既訂婚之後。則以爲此一塊禁嚮。已爲我所有。於是輒加以輕薄。卽通信時更愈無忌諱。往往作調侃語。以表示其親愛之意。是又大不可者。



也。吾男女同胞亦宜戒之。

(三)唐突語 何謂唐突。卽不知分際而作冒昧之謂也。譬如男子與女子甫訂婚約。此分際雖有。爲婚姻之名。尙未有婚姻之實。設男子別具野心。而欲與女子爲不正當之事。驟通函札。或直道己意。或微露其旨者。甚至不俟女子之許可。逕欲強迫爲之。女子果無絲毫價值。竟或允其請。若其爲寶貴名譽之流。轉因此而菲視其未婚夫。將終身有意見矣。此皆唐突二字誤之也。故宜忌之。

(四)欺誑語 凡人涉足社會上。萬萬不宜有此弊。卽夫婦之間。又何莫不然。吾見有男女通信中。全無一真實語者。譬如男子約女子晤會於某公園。中屆期。或竟不至。又有女子約男子偕遊於某名勝地。及時居然爽約。迨明日相遇。此云我昨日候至。日晡以後。彼云我曾鵠立於更深。以還。或互相咎



其誑我太甚。始則雙方猶疑其言之非妄。久則未有不欺僞立破也。亦宜忌之。

## 第十章 結論

吾所述通信法。雖未能條分縷晰。然已綱舉目張矣。其有吾著述中所未臚舉者。閱者於此鮮有不斥余遺茲缺點爲不完備之通信法似矣。雖然。吾之是作。不過擇其大者重者而言。若必欲一一毛舉之。吾恐雖十百千萬語。亦弗能畢其詞也。是在吾男女同胞。凡有婚姻上之關係者。幸一反三。由此類推可耳。不然。近頃坊間出版諸書。如所謂情書。豔牘。奚止汗牛充棟。彼多情之男女。又何不可剽竊一二語。以爲材料。而博風流旖旎之才子佳人名譽哉。惜乎藻思綺語。徒懷人心術。浸假從而效法之。則男女之道德墮落。不知伊于胡底矣。則何如取吾所著之男女通信法爲模範。尙不失之正當也。蓋



此書決無一語導人以不義吾男女同胞盍一熟讀而深思之也可



家庭寶鑑

# 婚姻指南第五編

江季子著

## 婚姻準備法

### 第一章 新郎身心營養法

締。姻。之。期。既。近。爲。新。郎。者。僕。僕。終。朝。預。先。籌。備。碌。碌。堪。憐。十。人。之。中。殆。無。一。人。閒。也。故。美。國。脫。爾。登。有。言。曰。結。婚。期。前。之。劬。勞。乃。交。換。愛。情。之。代。價。也。可知。必。先。劬。勞。而。後。能。得。相。當。之。愛。情。必。欲。得。愛。情。而。始。忘。逾。分。之。劬。勞。無。劬。勞。則。愛。情。無。由。顯。無。愛。情。則。劬。勞。無。由。生。二。者。之。關。係。名。相。反。而。實。相。連。也。惟。是。劬。勞。之。結。果。或。喪。失。其。固。有。之。愛。情。或。消。滅。其。未。來。之。愛。情。或。有。以。極。熱。之。愛。情。而。於。完。婚。之。後。突。化。爲。無。愛。之。冷。情。者。亦。有。以。無。上。之。愛。情。而。於。



完婚之先。頓變爲極淡之感情者。就表面以觀察。論者皆以爲男性無定情之所致。實則不盡然也。夫男子鞠躬盡瘁。以希望意中人之寵愛。而其結果則恆得其反。此豈其本性哉。夫亦有所迫而然耳。日本某心理學家對於結婚者之初期。曾爲詳細之研究。而其所斷之定義。則曰。男子身心未營養。其愛情必驟變於一旦。蓋男子本富有濃厚之愛情。乃因身心營養法之失宜。遂使摯厚之愛力。化爲烏有。意思之趨向。漸改方針。故多有新婦未入門。而新郎已生厭惡者。豈無因哉。例如牛頓者。化學專家也。乃娶婦及門。竟忘迎送。心注於彼。則愛卽他移。援古證今。如此者。不知幾許。又如麥格者。詩學家也。素慕哈脫孃之品學。竭力迎合。卒得遂鵲翼之願。乃婚期已屆。而麥格旅行異國。三載不歸。人問其故。則對曰。吾於未定婚之先。其心中之愛彼。實無有超其上者。迨婚約已定。而吾之愛力。仍未減。乃自婚期迫切以後。吾之心



中。日。夜。盼。美。人。之。早。至。而。又。恐。日。後。之。反。目。忽。焉。喜。忽。焉。懼。躊。躇。滿。志。罔。識。所。屆。婚。期。愈。迫。一。日。恐。怖。愈。甚。一。日。比。婚。期。臨。頭。而。吾。心。中。所。欲。辦。之。事。項。既。未。如。願。以。償。吾。心。中。所。懸。念。之。事。件。又。蜂。萃。而。至。兩。念。交。戰。後。者。輒。勝。吾。遂。不。得。不。出。亡。也。觀。夫。此。則。知。身。心。營。養。法。實。爲。新。郎。之。第。一。要。件。當。事。者。其。可。忽。乎。吾。敢。述。其。條。件。

## (一) 須有優美之精神

優美精神者。增長愛情之機械也。愛情之能否持久。卽以精神之優劣而分。故斯哈魯塔曰。女子之精神。須達夫活潑之境。男子之精神。須達夫優美之境。則結婚上方無扞格之虞也。蓋女子旣形活潑。則無論如何男子亦必受其羈勒。若男子而形優美。則精神上之。異儼有飄飄欲仙之概。彼同命之新婦。自當認爲滿意者也。昔哈林五娶婦而皆未及一年中道離棄。哈氏頗



引爲苦問計於心理學家某氏某氏誨之曰君宜優美其精神活潑其志趣屏除其疑念涵茹其感情則得之矣哈林從其教五年而其婦尤戀愛逾恒因問其故於某氏某氏曰前者以矜持太過恐怖心過激之故致令精神上發生反感失其常度故新婦以爲愛盡每經一次君之矜持心愈重一次此所以五娶而五離矣至於今日君並無存見僅以活潑之天機以與新婦接觸則情愛之電池貫通雖他人亦不能阻也知此義則於婚姻上之身心營養法思過半矣

二二須有活潑之志趣

昔米林論娶婦之要訣有曰志趣不活潑則呆呆非媚婦術也吾國劉哲廬亦稱農間夫婦天真爛漫終歲不聞詬聲詩禮家之夫婦巖巖道貌其家庭必多隱恨哲廬之言與米林之說不謀而合蓋天真爛漫云者卽志趣活潑



之表現也。巖巖道貌者，卽志趣不活潑之特徵也。夫以歷時既久之夫婦，尙不得以呆笨志趣迎合美人之心理，況新婚時代愛情之久暫恒有莫大之關係，則其間之志趣應如何活潑盡致，方足以除扞格之屏藩，惟活潑之表示專以溫文爲歸宿，非以浮滑爲歸宿也。故米林又言曰：學活潑者須於宛爾不言中求之，可知活潑之狀態如遊魚之上下而非同無腸公子之橫行也。如幼孩之遊戲而無張弩之印影，此其故可深思也。德國威克氏娶婦方入門，卽爲婦所不喜，威氏活用畫眉手段，施行閨中遊戲法，卒得婦驩。又日本小林氏困於經濟，頗爲新婚妻所惡，乃因志趣活潑之故，亦化於無形，相提並論新婚者可不慎哉。

### (三) 勿存美惡之觀念

娶妻以德不以色，此古訓也。然將娶者之心理，則殊不謂然。彼蓋以希望美



而日富之配偶爲其無上之目的故德國斯林氏曰將婚者之心理狀態誠爲極端之活潑忽而盼望新娘之豔絕一時忽而盼望新娘之富冠一鄉忽而又盼望其妻之賢淑駕古凌今忽而又懸想其妻之愛情熱於電力諸念澎湃沛然莫遏使有人告以重德不重色五字彼必搖首不顧蓋心中之志願固在彼不在此也據此以談是將婚者之心理皆輕德而重色也夫以終身同命之鴛鴦而於將婚未婚之際已抱美豔之目的無論結果如何而心身上之營養必爲此慾念所束縛而失其固有之天真試觀康特林者哲學家之翹楚也而于定婚之妻日夜希望其美麗乃成婚之初夜新娘之顏色反不如未婚時之嬌豔康氏竟拂衣而去又倪楊昶者吾國之詩人也幼年定某氏女爲婦楊昶每譽之爲天仙且形諸歌曲中不意新婦入門楊昶大失所望遂隱憾至死觀此二端則知美惡之觀念實足以阻礙婚姻間之圓



滿今之娶婦者。尙其慎之。著者略舉一例於次。

美國某音樂家娶妻兩次。皆未三日而反目。時論皆稱之爲薄情。郎某以爲深憾。旋又與某女士定婚。心中懸懸。又恐舊劇復演。乃乞教於心理學家。誨之者曰。汝須懸一西子蒙不潔之狀態於眼簾前。使美者之念無由發生。且又懸念美婦之私奔狀及狂且之誘豔狀。使心中之妬念專嫉惡於美者而後懸一醜而賢之新婦作種種之親切。使此心爲醜婦之魔力所吸引。則一切美惡之觀念可以不驅自消矣。

#### (四)勿作無意識之思慮

將娶者每於婚期之前作無謂之思慮。朝營雜務。夕涉冥想。婚期愈近。思想亦愈複雜。故賄祿氏有言曰。娶妻之先五日。魂夢皆爲之顛倒。時而暗喜。時而自笑。旁觀者殊難明也。蓋彼之心中恍如秀才之望舉人。中心搖搖。乍上



乍下。迨及期之前。一夜正與秀才望榜。如同一轍。欲睡不得。欲起不能。而將寐未寐之中。輒有無窮之思慮。奔赴其間。故此時之腦海。固不在美惡問題。而在將來問題。且不僅在將來問題。而在無意識上之研究問題。思想所趨。精神喪失。故新婚者之儀表及行動。每多失其活潑。而陷於苦悶者。其主因。卽在於此。勢不可不早療也。療之之法。爲何。著者敢述之於左。

(甲)小勞動 (乙)事琴唱 (丙)睡前浴 (丁)競遊戲 (戊)勿觀劇 (己)勿讀小說 (庚)勿震怒 (辛)對於籌備婚儀及新房並須聽長者之指揮

(五)服滋養之食物

衛生爲人生之必要條件。固爲一日不可缺者。然將婚者之衛生。尤宜慎重。蓋男女間之愛情。關於體育之盈絀。體質強者。其愛情必濃厚。體質弱者。其



愛情必薄弱。甚至有身體孱弱。而夫婦之間。完全無愛情可言者。此說固爲生理學家之所證明。而亦爲吾人之所公認者也。夫體育問題。既有如是重大之關係。則將婚者之於此際。應如何保護。攝方足以保持愛情之濃厚。況將婚者之衛生。恒多惡劣。雖以極強健之人士。亦不能善自珍攝。而致勞力與思想皆失其正軌。倘不講究修養。爲害何堪。設想日本小田氏曰。欲驗新郎之衛生程度。卽於完婚後一月。卜之。倘經過一月。而精神之煥發。如改夫婦之篤愛如故。則必未婚前之善攝生者。苟或反是。則爲未攝生。可以斷言。惟是攝生二字。行諸平日。較易。行諸將婚之際。則難。蓋當事者之心理。既挾有無限之事項。或爲財政問題。窮於奔走。或爲設備問題。忙於昕夕。或爲其他事件。瘁於心臆。故將婚者之體育。據威博氏之列記。十人中。得有九人。考下下著者。不揣冒昧。聊舉一二。以資研究。



(甲)朝夕體操促進食慾 (乙)日食滋養屏絕濃厚 (丙)野外運動

鍛鍊體力 (丁)略習音樂且事曼歌 (戊)不務博弈謝絕酬應 (己)偶觀美畫間涉歆笑

著者於此尙有一言卽食料問題之研究也昔戈特生謂結婚前須多服牛乳。鷄卵二者今敢述其鑑定法以爲服用者之一助。

(一)「牛乳之比重」用乳稠計驗其程度如在一・〇二七乃至一・〇三四之間者卽爲良質品也但新搾之乳比重頗高故宜放置二三時後行之。

(二)「牛乳之新陳鑑別法」牛乳之新鮮者常起兩性之反應質言之卽係以青色試驗紙而變赤色赤色試驗紙而變青色者也萬一全體變赤或變青色而帶阿路卡利性者則均屬不良之品也。



(甲)「青色試驗紙」(*Charta exproptoria Caerulea*, Blue testpaper) 以乾燥瀘紙浸漬於力低暮司溶液(*Solutio larcæ musicæ litmus* Solution)

(乙)「赤色試驗紙」(*Charta exproptoria lutea*, Redtest Paper) 浸漬瀘紙於加磷酸而變爲鮮紅色之力低暮司溶液後使乾燥之即所要品也。

其始則有用加熱試驗者。蓋普通牛乳如食○。六%之乳酸則加熱之後即形凝固。故此等牛乳亦非善良之品。

此外則爲酒精試驗法。蓋新鮮之牛乳雖混合六十六乃至七十%之酒精亦不凝固。至於試驗之操作。先以酒精溶液及檢乳入於清潔之試驗管而斜傾之。旋復其舊位置而直立之。從此施行則試驗管之壁時見有



白粉之點。即爲檢乳凝固之徵也。茲舉二法於後。

第一法(試驗液)

(a) 九十%之酒精溶液

(b) 七十%之酒精溶

液

(c) 五十%之酒精溶液

(d) 「內特倫(四分之一規定)液(Nach)」取苛性曹達四十。辯拉姆。令溶解於一。利脫路水中(約一升三合五勺)而更加四倍之水可也。

(e) 「非尼啞里夫他林」(Phenolphthaene)

其法係用(d)及(e)加入各溶液中。以達繼續的帶微赤色而後止。若夫成績有如左述。

(一) 新鮮牛乳或低度(酸度約八度)之酸肢乳。即用(b)之二倍容量。猶不凝固。



(二)稍酸敗之乳(八度乃至九度)則對於(b)之二倍容量即形凝固。對於(c)之二倍容量尚不凝固。

(三)最酸敗者(九度以上者)雖(a)之二倍容量亦凝固也。

(四)全新鮮者即(c)項之酒精亦不凝固。將婚者宜服此。

第二法 此日本都築氏所舉其標準如下。

(一)新鮮者對於七十容量%酒精之二倍從不凝固。

(二)稍酸敗者對於六十容量%酒精之二倍亦不凝固。

(三)甚酸敗者即五十%酒精之二倍容量亦形凝固。

右方法對於製乳品之試驗雖未爲完全然爲家庭用計則頗稱便利者也。至酒精之百分率用比重計及驗溫器即可得而知之。如欲達所要之稀度則加入蒸溜水按表推求決無一失。



(三)「罐頭中煉乳之鑑定法」佳良之品。色澤美麗。且帶淡黃色。(近於白)香味則有甘柔之刺激性。至於粘稠度。則如飴之柔軟。狀毫無沉澱。及結晶物之存在。倘或有焦臭氣。則不可用也。

(四)「雞蛋新舊之鑑定法」以食鹽之濃厚液。浸入雞蛋。如沉下者。則爲新品。倘經過數日以上者。則漸漸上升。其久者。必浮於水面。右之所舉者。雖僅一斑。然將婚者之應用。則以吻合最上者爲條件。著者故特別述及之。

## 第二章 新娘身心之營養

新婦之心理。比諸新郎。尤覺複雜。對於家族之離別。實含有不忍。遠離之悲苦。一也。對於作新娘之態度。又不知若何矜持。而後可。二也。對於翁姑妯娌間之對付。又須預慮。不易措手。三也。此三者之中。尤以新郎之榮念爲尤切。



方其始也。但希望長久之團聚。而他項觀念。尙未雜集於寸衷。及其既也。新郎之一得一失一言一動。偶有聞見。無不徹夜推測。雖寢食亦俱廢除。西人哈爾宜斯。謂新嫁孀之預測新郎。幾如漂泊船之探岸。披東測西。疑非疑是。忽聆人言新郎善。則暗喜。而不敢形諸辭色。忽聞人言新郎蕩。或浮則暗悲。而又疑其爲妄。造志忑靡定。瞬息萬變。其甚者。則啼泣終夜。無異孩提自傷。薄命屢思短見。愛之念既切。則希望之程度彌殷。希望既殷。則失望之發生。未有不引爲隱痛者。昔義門先生之定婚日也。正科舉落第之時。乃新婦未離母家。已憔悴欲死。可知未嫁孀之心中。殆有虛榮心戀愛心之存在。而始造此飲恨之苦境。吾國婦女大都皆在此地獄中。故欲講求救濟捨研究。夫身心營養法。不爲功也。

## (一) 選幽靜之閨室



新娘之將嫁時期每多含羞不言。偃臥房中者。推其主因。無非姊妹輩微言謔笑。使其無答覆之餘地。故爲之。父母者。須選一幽靜地點。花草菁蔥中。作爲臥室。俾身心得其安養。萬一己家不敷佈置。則尋諸親友家中。亦無不可。蓋未嫁前之戲言。最足使當事者發生感想。昔唐人某氏於未出閣前。忽聞窗外人言其未婚夫私一美婢。彼於夜半幾投鏝而死。其後嫁去。方知夫家並未蓄婢。心始安帖。又美國某法學士之未婚妻。因接收隣女之遊戲情書。信爲眞確。竟唱撒消婚約之議。事歷十年。始獲剖白。觀此二者。是未嫁者之宜避囂塵。殆爲預防計也。

(二) 悅有益之琴書

調琴可以怡神。讀書可以養性。此吾國流傳之遺訓。而亦西人之所承認者。蓋人性喜浮動。故一時的之爆發。恒多越其常軌。況女子伏處閨中。難言之。



隱衷徒作憂心之機械。倘調琴韻以和其神。詩書以陶其性。則種種難宣之鬱結。漸消滅於不知不覺之中也。考日本岡田氏有言曰。幽悶之女子。宜以琴音悅之。詩書導之。蓋琴之爲物。首能轉移性情。書之爲物。亦能約束心緒。二者如善利用。則隱憂之女郎。可以渙然冰釋也。又法國某心理學家曰。未婚女之對於未婚夫。每有種種之疑念。然皆妬之一字所蘊釀也。故欲療妬者。宜以古人之歷史對症下藥。而又以怡人之琴唱。使其感化於無形。則不期療而自療也。今之新娘。其心地之狹小。較諸歐美之婦女。尤爲特甚。且其心目中。惟以新郎爲唯一之天。故將嫁之時。非役其心於琴書中。則無聊之思念。終難擺脫一切也。

### (三) 養花草以悅目

美人愛花。乃千古之美談。然按諸心理學上。美人之愛花者。非愛花也。乃利



用花也。蓋彼美自以爲嬌豔而又恐背景之作用。或有損其丰度。故多種花木以助其美。古所謂花下觀美人。其此之謂歟。今之未嫁孀。其思想界之第一觀念。卽在保持其美麗。爲迎合新郎之妙訣。故對鏡自照。臨水徘徊。胥肇因於此。倘能廣播花草。使其心中之競美觀念。咸專注於物質上。則一切煩惱不除自消也。

#### (四) 習運動以益身

將嫁者之運動。吾國素鮮。研求惟日本小野氏所舉諸法。尙合於吾國婦女之程度。茲特譯述之。

(一) 秋千。秋千一術。乃美人練身之機械。詩有曰。斷送玉容人上天。亦可想見其慨也。

(二) 遊戲。鬪草拈花。亦遊戲之一種。初不必求諸他途也。



(三) 環步

環步者何。蓋回環行動而促進其血液耳。

(四) 植花

此亦運動之一種。然每日之間宜翦取花草之敗葉或其廢枝。

使身體皆得無形之運動。

此外如烹飪煎茶勤浴洗衣諸項亦屬不可少者。蓋烹飪煎茶洗衣三者雖可作運動之具。然於內職上之補助洵有莫大之利益。至於勤浴一層非僅清潔其身體且可催助其睡魔而使無妄念之環繞也。

(五) 練心

練心之術男與女各異其趨。男性驚外故紛乘之念時起伏於胸前。女性驚內故褊窄之見恒流露於詞氣。二者要未可一律論也。況夫新娘之心理尤形狹小。以素不相知之人士而忽爲同命之行動。則恐遭離棄之念未嫁者實比已嫁者爲倍切。加以小姑問題妯娌問題更有以縈其閨念。日人西原



氏謂吾國之新娘頗多困於地位。蓋欲言之項終以羞澁而難宣。而所託之人又爲素昧生平者。兼之桎梏閨中。未諳世故。一旦結褵。幾同斷綆孤舟。不分南北。故將嫁之時。其心理正有如小說家言。心猿意馬。兔起鶻落。其心胸之起落殆不知幾何次也。然於此時期而欲試練心術。誠頗不易。無已姑言一二用資借鏡。

(一) 役此心於勞動。西人謂女子之練心法。莫善於役情勞動。蓋靜則妄念環生。動則雜念皆絕。此固一定之元理也。今之未嫁娘。其妄念之紛雜固已不可思議者。然於靜息之際。或習圖畫。或澆花木。或練琴。或品棋。務使間靜之時間皆爲勞力之機械。則紛心可以祛除也。

(二) 寄此心於象外。吾國之未嫁娘。每多躬參嫁務。如刺繡諸事。此誠大不可者。蓋彼之心理既沾沾於此。而又益以嫁奩上之勞動。則觸目驚心。



益增無窮之歧念。故於事情容許之範圍內。宜令盡具事件。不使聞知。則庶夫其可乎。然爲新娘者。亦當遠避嫁務。付諸他人。而或觀天象。或觀流水。使此心之所寄託。點不在物質上。而在空闊上。則於練心之法。得其三昧也。

### (六) 整容

整容二字。似非營養身心之法。而不知未嫁者之唯一心願。卽在美顏術上。蓋容顏之美麗與否。關係新郎之愛情。故不得不籌及也。況易髻而笄。手續之繁重。將嫁者恒苦未諳。此時如不講求。則殊有損美人之聲價。加以鼻低者。施用隆鼻器。面黑者。應用美顏法。天工之缺陷。人事可以補救之。觀此則整容實爲慰解新娘之利器也。然吾之所謂整容者。則更有進。蓋形式上之整容。僅得其皮毛。而精神上之整容。方見其實效。例如對鏡練笑一事。本整



容之普通也。然笑可以衛生。笑可以增媚。笑可以却病。笑可以驅愁。倘應用得其宜。則一方面收營養身心之益。他方面又爲促進愛情之機。故未嫁娘之整容。當於此中求之。

## 第三章 新房佈置法

新房之佈置。實含有三種之使命。第一表現奩贈之豐富。第二烘託新娘之色豔。第三催進夫婦之愛力。三者之中。如第一項之使命。此爲一班所知者。固無俟著者之絮絮。惟第二之使命。頗關重要。無論新娘如何美麗。然置諸混惡色彩之中。決未有不減色者。例若法國某女優。貌素白麗。然賞鑒者恒病其過白。一旦立於返照桃花之下。遂宛若天仙。雖鄙夷者亦稱其美。可知襯託之作用。關係良非淺鮮矣。若夫第三之使命。一班人頗不知之。蓋愛力之發生。恒多因物及人之事故。新房之設備。卽不啻爲夫婦間之傳電器。著



者敢舉一例。則其作用可知也。昔有人娶婦。房中懸掛古美人畫數幅。三日之晨。新娘同其夫曰。我與畫中人孰美。其夫曰。卿殆不如。新娘頓變色。次日。起視。則古畫皆成灰燼矣。又西人某音樂家。對於新房之佈置。備極華麗。光彩奪目。然於娶後之次日。輒曰。吾入此房。頓覺頭昏目炫。新娘曰。我坐此中。如處地獄。其苦悶尤甚於君。某曰。吾二人之愛情已竭乎。新娘曰。我亦有此疑念。其後移居他室。乃止。此二項之關係。就表面言之。似夫婦間之緣分。作用而按其實際。乃不善佈置者階之厲也。今略舉於次。

(甲) 利用色彩之法。色彩之嗜好。各依年齡而異。年少者喜鮮明之色。年長者好暗麗之色。且男女間之嗜性。尤屬不同。自然境遇之關係。更多影響。故佈置者。頗難得適宜之品。然新房既以新娘為主體。則對於烘托新娘色豔之點。勢宜特別注意。且男女之年齡。雖異。然相差在十年以上者。



亦屬寥寥。故以兩性合宜之色彩配合其中。則對於愛情上之增進。必可預期也。惟色彩之應用。須參合平均及對伍之法。則方爲正確之點。蓋二種以上色彩之使用。若得其方。則可以增人美感。例如眞青色之品。而配以輕紅色。則反與人以不快之感。設易輕紅色而爲濃赤色。則觀者必形愉快。知夫此則平均與對伍。可以迎刃而解也。著者姑舉數項。以備佈置新房者之採擇。

(一) 用輕赤者。以橄欖及金。或綠青及赤。爲合宜。

(二) 用濃赤者。如白及金色。或濃綠色。或橙色。及暗青者。均可。

(三) 用輕綠者。以黃及暗褐色。或黃及橙色。或暗綠等。爲要。

(四) 用暗綠者。則配合金及白色。較宜。

其他色彩之配合。不一而足。然吾國所用者。大都以紅綠爲主。故從略。惟



此項色彩不獨對於窗飾（指紙窗而言者）上或壁飾上頗有重大之關係。即對於奩具之陳列上亦有適用之必要。娶妻者幸勿忽之。（窗飾雖以紙窗爲主。然玻璃窗之垂幕或貼紙者仍可適用本項。）

（乙）採用光線 新房之易形黑暗。幾成一班之現象。蓋奩具堆積其中。已屬遮光之屏障。況加以新房之用件無不帶染紅色。故以鮮明之光線恒失其明度。此其弊殆因世俗尙紅之所致也。然採取充分之光力。具從高處輸入。則障光之色必可減除幾許也。美國卑爾氏有言曰：新房之光線宜以朝近日出者爲佳。蓋於新娘之鉛黃上有莫大之影响也。

（丙）斷絕屋後之交通 屋後之交通即爲鬧房者之憑身處。故先遮斷此地。則夜間之惡作劇者自無所施其計。且新娘各種行動均借屋之後部爲尾閥。萬一交通未斷。則緣壁竊聽者必爲入幕之賓。如爲防鬧房者之



暗藏。不得不。未雨綢繆也。

(丁)傢具之佈置 此種佈置須視物品之多寡爲適宜之支配。然第一要件即在以牀與香櫥劃分新房爲兩部分。而於前部分之中應用色彩陳設。奩具或於書桌之上展列圖畫。務令入此室者皆有高尚雅潔之心理。而不爲色豔所迷。斯得之耳。要而論之下述之諸項乃爲不缺可者。第一新娘之梳粧地須擇人目不易接觸之處。第二來賓之坐處須以近門而遠牀者爲宜。第三近窗之處不可陳設狹小之奩具。第四文房四寶宜置諸光線左東之靜所。第五房中掛畫須以增進愛情者爲佳。決不可僅取美人畫也。第六中間之通行處須留充分之餘地。

#### 第四章 結婚之預備

本項預備各地之風俗不同。卽各地之進行大異。例如南京一帶注重親迎。



則籌備者不得不兼顧及此。西蜀。陝。連諸省。專重女紅。而嫁女者。每忙於壓線。推之其他各地。以著者所見聞者。無不如此。然婚姻之典。沿於古昔。雖地方關係。或有等差。而其主要之點。則未有歧異者也。

(一) 女家之預備。女家之應預備者。首推奩贈一項。或有以器具服飾爲條件者。或有以金錢田宅爲條件者。二者之性質。各自不同。其屬於前者曰嫁奩。屬於後者曰嫁資。然亦有女之父母。對於女之出閣時。私給幾許之財產。而屬於嫁資之外者。此項性質。完全由新娘之便用。收益管理。其夫不得過問也。惟嫁資一項。其夫雖有適於使用權。然不得自由處分。可知嫁女者。如以金錢田宅爲贈與之目的。則新郎之所得實益。實較諸未得者稍勝一籌也。然吾國之慣習。夫婦本屬共產制。凡在結婚前所得之財產。與結婚後所得之財產。均無區別之可言。故贈與嫁資。直不啻爲新



郎增一財產也。特嫁奩一項。本爲動產。照法理上言之。應以共產制爲必要。今之嫁者。對於奩具。上多未明其性質。故論及之。其次之所應預備者。爲筭禮一事。按諸續歲時記。凡嫁女之家。須先一日舉行筭禮。卽世俗之所謂上頭也。此項禮儀。諸多廢弛。然餼羊典禮。猶存碩果。吾甚願世之嫁女者。尙其注念及此。此外之所應預備者。均無關夫重大。故不詳及。然於此猶有一言。卽新娘之月經問題。是已考女子之出嫁者。恆有月信期間。恰與婚期同日者。故爲預防計。不可不購買藥品。以爲早服之資。但坊間所傳方法。甚屬浩渺。著者不敢妄爲紹介。請仍問諸良醫可耳。

(二) 男家之預備 男家之首宜籌及者。厥爲新房。蓋夫婦之間。原負有同居之權利義務。故對於同居之場所及其設備。乃應當之處分。而未可自由拋棄者。惟同居之範圍。有僅限於居所者。如法之民法。是有兼及於共



同生活者如德之民法是然吾國之慣習純粹同夫德制故預備者須顧及共同生活上之條件而一籌措之其次之預備者爲迎奩具一事查吾國普通常習婚期之前數日卽須迎迓奩具新娘之動用器件無不全數同來惟迎奩之先應預備相當之禮物及笄禮之各品以送達於女家此亦古禮之流傳而至今未廢者此後之預備則爲婚期前夕之冠禮雖嚴重不及古制然亦有餽羊之微意當事者切不可漠視也至於成婚時之儀式及宴客筵媒之各項亦在應行預備之列惟茲之所當注意者則開門禮之需索是已此種惡習隨地而異然無厭之求或且達數十元以上者倘能先期疏通從事免除問計之得者日本之支那風俗考有曰結婚分三期預備第一期爲納彩第二期爲問名請期以及迎奩具等項第三期爲迎娶正式手續此其大概也



## 第五章 禮儀之議定

自古禮。枯亡以後。婚儀之方式。各以意爲升降。加以地方關係。家族關係。其禮儀間之差別。洵不可以道里計。以著者目簾所觸。如滬上之婚禮。不可適用於南京。北地之婚儀。又幾同夫滿俗。此則因地土之不同。而差異者。若夫書禮之家世宦之輩。其間之人。自爲政者。更不可以指屈。故日本之支那風俗。考有曰。支那人之婚禮。家各一法。不可得而統計之。惟周堂禮大同小異。然安徽揚州等處。多於坐富貴後行之。其他西南諸省。則先禮而後入房也。據此以談。是吾國婚儀之複雜。殆已達夫尖極。故迎娶者。須先妥議禮儀。使歸一致。則或不流於衝突也。西原氏謂吾國之嫁娶者。每以禮儀細故。釀成重大交涉。殊覺可笑。吾敢援此語。以爲當事者之預戒。

## 第六章 新娘之必要注意



(甲)對於鬧房者之預戒 鬧房者之無禮取鬧皆由新娘之拘泥而起故對付此輩宜暗語伴娘先取酒或茶於手中俟客入座卽舉而奉之且作種種之親切語使鬧房者無所施其技昔陶士琦娶妻林氏於花燭之夜首吟數詩強諸客賀諸客多奪席而逃此爲限制鬧房者之一方式又粵東某君娶婦先陳賭具於中堂縱子姪輩爲之呼盧喚雉聲勢頗豪而鬧房者竟無一人又西蜀楊臥雲恐鬧房者之惡作劇乃先言曰吾自鬧房請諸君憑軾而觀於是任情嬉笑演盡畫眉秘戲觀者皆笑不可仰並無一人發言者此卽所謂先發制人之一策也又林秋娘於出嫁之日對於鬧房諸人先以詩對窘之繼以茶酒澆之終則以琴調怡之故卒無戲謔者總之此等時期新娘宜採文明手段先聲奪人且對於諸客之所命擇利而行則必可以束縛鬧房者之自由也



乙。對於新郎之應付。古之訓女者必曰。無違夫子。卽日本之訓女者亦以柔順爲主體。可知女子之順從性。乃其天職上之義務也。惟是花燭之初夜。新郎之練習世故者。每以巧妙之辭令。引誘其隱言。使稍不慎。則必增愛情上之荆棘。故應對新郎宜先慎言。且守莊嚴態度。則一切狐疑之念。可以冰消。美國博利氏嘗謂新娘之對付新郎。實以成婚之初夜爲難。蓋言語間之齟齬。行動上之佻達。均足以引起新郎之疑念。且彼時之新郎。肉慾之心理。頗殷愛護之心理。頗狹。故過拒則拂。其心過返。則損己性。半推半就之程度。頗不易於對付也。然則當此者。第一宜虛心以迎合。第二宜含笑以訥言。第三宜帶驚羞之狀。第四宜含凝重之態。此四者如能實施。則新郎之入其彀中。自不待言矣。又哈林有言曰。新娘之操縱新郎。須從花燭夜開始。倘始基不慎。則鮮有保持久遠者。吾國之新娘。其對付



新郎之手段不外任性二字而於心理學上之愛情主義從未研究故夫婦間之反目問題幾於觸目皆是著者有鑒於此特舉博利之言以爲標準吾不知世之婚嫁者其亦以斯言爲河漢否乎

## 第七章 新郎之宜注意

(甲)禮服之整飭 君子正其衣冠尊其瞻視在平日猶宜注意況婚禮之時乎惟服制一項民國雖有定章然事實上之應用者頗多歧出且間有不中不西不新不舊混雜施用者此等舉措徒與人以嗤笑之資料最宜猛戒

(乙)新房之巡視 鬧房者每多藏於新房中或先拔去窗戶關鎖以爲花燭夜靜之作劇計惡俗之卑劣殊堪痛恨然無法可以排除之也日本上田氏有言曰支那結婚之鬧房者非其狎友必其親族且皆年在三旬以



下者推其心理不外妬之一念。倘新夫婦素習文明。不含嬌羞。或另設賭具及音樂。使彼輩之心理與視線均爲物慾所奪。則鬧房可以稍熄也。惟聽房者之暗計。每爲新郎所不注意。或伏於牀下。或掀窗而入。攝足爲搗亂之見。故先期巡視嚴鎖窗戶。亦可以消患於無形。讀此數言。使吾人想像少年之心理。殆有羨極生妬之意乎。

(丙)不可聽狎友之讐言。未諳世故之新郎。恒喜聽狎友妄言。以爲實行之張本。此固著者所目覩者也。故爲新郎者。首宜謝絕一切浮言。而問禮儀於長者。則笑柄可以減少幾許也。日本某華族娶婦。因人言新婦腹中有花。屢欲薄觀。竟成笑資。夫以不合世情之腹花一說。猶是以迷惑當局者之傾聽。況更巧言如簧。使人不察耶。

(丁)不可買房侍之怨懟。孔子曰。惟女子與小人爲難養也。房侍之爲人。



殆女子而且小人者故對付之方宜賞給金錢或特別溫語撫循則庶幾得其歡迎也蓋彼等目的專在金錢如不滿所慾則暗中縱鬧房者入內或傳播種種之笑資使新夫婦受其窘此在吾鄉中既已屢見不鮮矣惟賞給之法第一日伴娘第二日侍婢此二者均由女家遣來尤易妄肆簫鼓第三日雇婦此爲男家所用然亦未可漠視也日本小村氏之結婚卒以房侍之播弄未三日而夫婦已反目其陰險寧不可畏耶

(戊)對於族戚之禮儀不可疏忽 禮儀本屬具文然有一人未週則中心怏怏者恒所在而有著者於北京時代目擊此狀而其結果新房中之奩具幾被焚燬蓋禮儀者所以慰人之勞苦也決不可自由廢止之故某心理學博士嘗謂禮儀之存在可以使人忘勞勦之苦可以使人無怨懟之心且可使人化冷度爲熱度今如行禮未週則勞勦者頓以爲苦痛交好



者。頓。流。於。怨。懟。熱。度。者。必。變。爲。冷。度。在。平。居。亦。難。免。此。反。應。而。於。公。衆。對。注。之。下。尤。易。於。實。現。吾。甚。望。當。事。者。之。注。意。也。

(已)對於來賓之應接不可傲慢。娛賓之法雖有種種然新郎之酬應上尤關重要。蓋來賓之途類非其父母之相知。卽其個人之交誼。如有疏忽必種惡感。此固著者所經驗者也。北京某主事以酒筵草率致遭毒口。又江西某君對於賀者言未盡洽。賀客多不悅而去。然此不獨吾國然也。卽求諸日本。原田氏上州氏之新婚披露宴。尙以應接未圓滿而失賀客之歡心。以彼例此。不難知所決擇也。

## 第八章 對付新娘之方法

(一)衣服之配色。新娘之衣服雖多屬女家預備。然新郎亦不得不預備也。就地方情形而論。禮服一項或有必須男家備及者。推之開化諸省。更



有以一切燕服皆仰給於男家者。今姑無論如何。然新郎之應籌備縫衣。殆爲不可掩蓋之事實。著者聊舉配色表於後。籍作芻蕘（在所舉者每一列爲一組。第一項爲色地。第二或第三項爲飾配之色。）

輕赤、橄欖、金、輕赤、綠青、白、輕褐色、綠

濃赤、白、金、濃赤、濃綠、濃赤、暗青、橄欖

輕黃、輕青赤、輕褐色、暗褐色、銀、輕褐色、灰色、薄紫

暗褐色、黑、白、暗褐色、輕黃、灰色、暗褐色、橄欖色

輕青、明赤、輕青、暗青、輕青、明黃、黃褐色

暗青、暗赤、金、暗青、輕青、白、暗青、綠、橄欖

輕綠、黃、暗褐、輕綠、黃、橄欖、輕綠、暗綠

暗綠、黑、輕綠、暗綠、金、白、白、濃紅、赤



白、軍艦青、

白、濃綠、

黑、暗赤、

黑、金、白、

黑、輕青、銀、

輕灰、暗灰、赤、

輕灰、暗青、金、

右之配色表不獨男家可以應用。即嫁女者尤宜應用也。今因連屬之便。故附記於此。

(二) 花燭夜之詞色。

當未合歡以前新郎之一舉一動皆爲新娘所注目。

故日本小田氏曰。新婚者之第一日頗有無限之興味。新郎既礙於耳目。不敢與新娘交談。新娘尤含羞而不敢與新郎通情緒。然兩情脈脈。息息暗通。且互相窺伺。以驗其真性者。彼時之二人。既不敢言。又不敢笑。而又有欲言欲笑之心理。吾固拙於辭令。不能形容其萬一。然謂爲暗電之傳導。則近似也。據此。則新郎之詞色應如何。而後可乎。著者姑按心理學言。



之。第一。目。聽。第二。眉。笑。第三。怡。聲。第四。靦。色。此四項之作用各自不同。第一項之行使於不能斜睨時施之。第二項之行使於乍接面時施之。第三項之行使於對付房侍施之。第四項之行使則於不言時施之。苟盡此四者。則新娘之心中必認爲愛情圓滿之夫婿矣。

按前項配色之作用。僅在衣飾上。似無關於愛情。不知愛情之表現。實藉物質以流傳。況配色之合。夫新娘心理尤足以表示篤愛之特點。昔呵特生贈一衣於其未婚妻。其妻曰。君何配色如此之工。使我愛不忍釋。此在歐美猶然。矧吾國之女子。其心理專注於一人而配色上之合宜。更勞其注念者乎。至於花燭夜之詞色。新郎多不介意。故日本中村氏之女。於其花燭之夜。私謂伴娘曰。個郎幾使我赫煞矣。夫以糾糾武夫之狀態而對付婷婷嫋嫋之嬌姝。決未有不使人心驚者。吾今特舉此例爲結婚者進一解。



第九章 各項儀式之禮節

(一) 納采。納采者何。卽世俗所謂下聘定親也。其禮節如次。

啓櫝參神。鞠躬四拜。斟酒跪告。俯伏興。四拜閉櫝而退。遣使者奉書如女氏。至人出迎接。待如禮。使者出就次。主人奉書告於家廟。同壻家儀。乃歛使者。畢授使者書。使復命。壻家復告於家廟。陳其庚帖。及復書於香案上。蓋報告於祖先之意也。惟聘金一層。東南方面。幾成爲一定不移之條件。此就表面言。亦可認爲折禮物之代價。然按諸實際。則有大謬不然者。夫物品與金錢。不可視爲同一之品質。蓋金錢乃交通貨幣之主體。故金錢之所交易者。無不曰買賣。若禮物。則任意多少。不含買賣性質矣。呂本橫田氏對於此點。辨之頗評。蓋法律上之研究。金錢含有法益物品。則未含法益。故一則議定數目。無殊買賣之性質。一則不加制限。故爲禮儀之性。



質也。且世界婚姻之狀態不外五種。第一曰掠奪婚。卽專用暴力掠奪他人婦女據爲己妻之謂也。第二曰買賣婚。卽以金錢財帛送給女之父母。因而買得其女之謂也。第三曰聘娶婚。卽以禮物聘娶而取得女家父母之許允也。第四曰允諾婚。此項不問禮物而但以男女兩造情願與其父母同意之謂也。第五曰自由婚。卽以婚姻各項專由當事者自由契約而定。不與國家及教會相涉也。吾國慣習掠奪婚一種。反已懸爲厲禁。買婚一層。陋習尙多存在。故聘金之多少。恒視女貌爲低昂。此與買物者何以異。然按諸古禮。惟有納采問名納吉納徵請期諸項。從未涉及財物。文中子曰。婚娶而論財。夷虜之道也。觀此。則以財物爲結婚之要件。乃夷禮而非古禮可知也。且中流以上之社會。對於議婚一層。亦未計及聘金。今之西蜀以及邊郡。不特無聘金之事項。卽聘禮亦未計多寡。古禮猶存。何得以



邊遠而非議之據。是以談是吾國之聘娶婚。振古及今皆守此旨。獨有數省之下等會社。違背古習。然不可爲訓也。美國珪倫曰。婚嫁之間。如議及金錢。則牛馬人類耳。支那開化諸處。多沿此習。其殆野蠻之慣性乎。著者細味此言。頗覺寒心。願天下之婚娶者。一洗此恥可耳。

(二)納幣 此卽古之納徵禮。儀禮注所謂納幣以成婚禮。而世俗之催妝導日者。是已其禮節。則由壻家遣使者奉書並禮物。如女氏主人受書及帛。乃禮使者。授使者以復書。至告廟之典禮。一如納采。

(三)親迎 當婚期之前一日。女氏使人張陳壻室。厥明壻家設位於室中。置合卺。女家設次於外。主人率子告於家廟。如納采儀。此後則往迎於女家。舉行奠雁禮。壻至女家。主人出迎於大門外。揖讓而升。主先壻從。主升自東階。西向立。壻升自西階。北向立。跪奠雁。俯伏興拜。興拜起。主人



不答拜。壻前致辭曰：「某受命於父，以茲嘉禮，恭聽成命。」主人答曰：「某固願從命，壻拜興，起。主人答拜禮畢，姆奉女蒙頭出，至奠雁廳中，壻揖遜請女行降自西階，主人不送。壻先出，女從之。至轎邊，壻舉簾以俟。姆致詞曰：「未教不足以爲禮。」女登轎，壻乘馬先歸。車至家，立於廳前而俟之。新人至下轎，入家堂，卽行過堂禮。

（四）舊時結婚儀式

「甲項」行結婚禮（一）彩輿入門，喜娘扶新娘出，向

內立。（二）新郎與新娘並立，行祭祖禮。（三）行祭天地禮。（四）行交拜禮。

（五）舉蒙頭入洞房（六）行合卺禮

按世俗有先祭天地而後祖宗者，以著者推之，祭天地一項儘可刪除。考禮記有曰：「天子祭天地，今平民結婚，乃亦祭天地，未免失常。況迷信之說，君子不取，彼天地之神祇果屬何地，稍一涉想，定然自笑。又世俗



之娶妻者更有先坐富貴而後週堂者此尤紕謬左傳有言曰先配而後祖非禮也使祭祖列於坐富貴之後究與左氏所譏者何異且如劉江東之說曰結婚之必先祭祖者以其親迎而來告成於祖並令新婦謁先人也交拜之禮古人行諸房中（見家禮）今則行於堂前殊失古意蓋交拜並非相見禮人多誤會故有此告何者新郎既已親迎則揖讓御輪之際即含有相見之意何待後日始補行乎況二人並立祭祖試問未行相見禮則新郎與新婦何由並立而行禮若改而行諸房中則易一地位另行大禮乃最慎重之意今人既少親迎又求簡單遂至古禮汨沒殊可痛也

蒙頭之事俗謂之方巾儀禮家禮均未載及此項似亦宜廢去然西人蒙紗而行者雖至今未改又劉江東之婚禮談有曰女子辭別父母不



免傷悲。且驟離香閨。侍人巾櫛。心恒忐忑。淚涕頻揮。故蒙面者。所以遮飾也。王道準夫人情。此亦禮之所許可乎。

「乙項」行見親族及來賓禮（一）尊長向外。新夫婦向內叩首。（二）平輩左右側立。新夫婦向內叩首。平輩答拜。（三）卑屬向新夫婦行禮。（四）遍拜來賓。

舊式結婚。隨地方而變易。有涉於繁重者。有乖夫古制者。今之所述。務求簡單。以資便利。

（五）文明結婚儀式 「第一節」行結婚禮 （一）司儀員入席向內立（以下皆司儀員所唱）奏樂或琴（二）男賓入座（三）女賓入座（四）證婚人入席向外立（五）介紹人入席左右相向立（六）新郎新娘入席向內並立奏樂或琴（七）證婚人展讀證書（八）紹介人用印（九）證婚人



用印(十)新郎新娘用印(十一)證婚人爲新郎新娘交換飾物奏樂或琴(十二)新郎新娘對立行鞠躬禮三鞠躬(十三)新郎新娘之謝證婚人及紹介人行鞠躬禮(十四)證婚人紹介人退奏樂或琴

「第二節」行見親族禮 (一)尊長向外新郎新娘向內行三鞠躬禮 (二)平輩左右側向新郎新婦向內立行鞠躬禮(三)卑屬向內新郎新娘向外立行鞠躬禮奏樂或琴

「第三節」行受賀禮 (一)男女賓起立向新郎新娘行鞠躬禮(二)男女賓代表各以花佩新郎新娘衫上復位行鞠躬禮奏樂或琴(三)新郎新娘致謝行鞠躬禮(四)男女賓演說(五)新郎新娘退奏樂或琴(六)女賓退(七)男賓退(八)司儀員退禮畢

按禮堂須選廣大之場所。如花園或其他公衆地點均可。



(六)新舊折衷儀式

(甲)「第一節」(一)彩輿入門。女嬪扶新娘升堂。新

郎入。相向立。行交拜禮。三鞠躬。奏樂或琴。(證婚人於此時爲之交換飾物。然亦有廢去者。)(二)行祭祖禮。三鞠躬。(三)撒巾入房。(四)行合巹禮。壻揖。婦就坐。壻東。婦西。侍者取兩巹杯。斟酒和合以進。(五)壻婦各執一巹。飲之。飲訖。一鞠躬。侍者導二人於堂中。「第二節」行見親族禮。固文明結婚之第二項。「第三節」行受賀禮。(一)男女賓起立。向新夫婦行鞠躬禮。(二)男女賓代表致賀詞。(三)新夫婦致謝詞。行鞠躬禮。(四)男女賓退。(五)新夫婦入房。

右之所舉。爲婚姻改良會所擬。世俗中亦有行之者。

(乙)「第一節」(一)司儀員入席。(二)證婚人入席。向外立。(三)介紹人入席。左右相向立。(四)女嬪扶新娘入堂。新郎隨入。並立。奏樂。(五)證婚



人爲二人交換飾物。(六)行交拜禮。三鞠躬。奏樂。(七)證婚人及紹介人致頌詞。一鞠躬。(八)新夫婦攷謝詞。一鞠躬。(九)新夫婦謝證婚人及紹介人。行鞠躬禮。(八)證婚人及紹介人退席。奏樂。[第二節]行祭祖禮。三鞠躬。(有將此項禮節。附入第一節六項之上者。然按諸古制。三月而廟見。可知謁祖一層。決不能先於結婚式者。故另爲一節。似屬不妨。)(第三節及第四節。率多同夫前項之二三節。故不再及。按右之禮式。乃梁氏所編定。亦屬可採。故特記之。

附文明結婚證書式

伏以。靄。蒸。梅。實。瀉。京。賡。房。雁。之。歌。禮。渥。英。釐。瀉。澳。協。洲。睢。之。雅。天。作。之。合。文。定。厥。祥。造。化。醕。醢。人。倫。肇。祖。茲。因。○。○。君。與。○。○。女。士。蠲。吉。○。年。○。月。○。日。○。時。舉。行。婚。禮。果。胎。平。等。瑞。符。連。理。之。枝。花。孕。自。由。新。染。合。歡。之。色。欣。雀。屏。



之中選期鴻案之永諧帶結同心百年好合珈吟偕老五世其昌觀此時情  
締絲襪笙簧競秦視他日夢徵蘭佩瓜瓞綿輝謹述泚言用昭鐵證

附男家納采啓

忝眷侍教弟某頓首拜

敬啓

大德望

此處稱謂不一而足  
各隨其官職稱之

某老親翁先生閣下伏荷

尊慈青垂蓬華俯納冰言許以

令○女公子釐降豚兒○○謹遵嘉禮陬吉良辰用修

納采之儀聯遂攀蘿之意附呈菲物伏乞

慈鑒俯賜

莞納不宣



民國〇年歲在〇〇〇〇〇〇月維〇〇〇〇日

某再頂首

裕 後

附女家復納采啓

伏蒙

尊慈。不棄葑菲。過聽冰譽。擇僕之〇女嘉耦。

哲嗣。茲逢納采。更辱

隆珍。拜對璧之遙。頒愧寸瑤之莫。報謹呈庚帖。附貢菲儀。伏冀

慈察。俯賜

輟納。不宣。

附男家納徵啓

伏承



嘉命許以

令媛辱貺釐男。茲屆迎娶。敬涓吉筮。以○月○日請

爲婚期。附呈不腆之珍。聊表

納徵之意。伏祈

慈鑒。俯錫

台允。不宣。

附女家復納徵啓

辱荷

嘉命。委禽蓬華。顧維弱息。內訓多缺。深慚隕越。過叨隆幣。更示

吉陳。敢不敬謹以從。伏維

慈鑒。俯賜



荃察不宣。

## 第十章 結婚之附屬問題

(一)參竈 唐詩云三日入廚下洗手作羹湯。卽此謂也。惟此項禮節舊俗近於迷信。新式又復屏除。殊難得一合中之規則。近日婚禮改良會主倡花燭之第三日。新娘入廚親調羹菜。舉以獻翁姑及丈夫。行鞠躬禮。此亦略事變通者也。

(二)反馬 公羊傳曰。其諸爲其雙雙而俱至者歟。可知反馬之禮沿用已久。勢未可驟廢也。近世文明禮節對於此點多未議及。然以著者研求之。婚姻者所以聯合兩姓之好也。舉行反馬卽表示親密之意。如曰廢止著者誠不知是何心理。昔劉江東論此反馬之禮。稱爲證明夫婦和諧之一例。今旣聯姻也。而又不行反馬。試問女家之推測其疑惑又復如何。



(三)謝媒。文明婚式。對於紹介人之致謝。即於禮節中行之。舊式。則另爲一項。推其意。無非。淺。淺。之。儀。文。表示。酬。勞。之。微。意。此。亦。未。可。厚。非。也。但。流。俗。所。用。請。帖。多。不。合。宜。有。識。者。頗。引。爲。深。憾。惟。左。述。之。方。式。尙。屬。典。雅。似。可。援。用。

○月○日敬治繩筵亦有稱冰筵者恭迓

冰座或稱月駕

○○○三鞠躬

(四)饋舅姑。按諸舊禮。頗形嚴重。今述其禮節如下。當此日。婦家具酒肴。送至壻家。舅姑出堂並坐。婦入位北面。四拜。舉饌案。盥洗。詣舅位前。跪獻酒具。復位再拜。具詣姑前。如前儀。進饌。侍立於姑左。徹饌案。舅姑饗婦。舉饌案。酌酒。詣舅姑前。再拜。具跪受酒。啐酒。四拜。具禮畢。舅姑降自西階。婦



降白東階。今之饌婦者。亦沿此意。蓋女家命人視其女。卽借此以階進也。

(五)饗送者。凡送女者。類多其家族。故劉江東曰。送女之家。恐其不諳禮儀。致貽笑柄。故遣其親族以爲引導。然旣已前來。則男家之饗儀。應從豐美。此固無待言者。惟邊省諸地。有經宿而去者。有三饌而去者。亦有席終而去者。鄉俗初無一定。然爲男家計。席終而去。似覺便利。特遠道而來。或又屬女眷。則經宿而去。較爲正當。續歲時考曰。女家之送者。均宜早去。除伴娘及侍者外。蓋恐花燭夜之戲言。頗多不便故耳。

(六)結婚當日之要件。結婚事件。除禮儀而外。尙有種種事項。亦爲萬不可少之列。略舉一二。以資參考。

(甲)出閣前之訓女。考諸古訓。父之教。則曰戒之戒之。夙夜毋違。舅姑之命。母之教。則曰勉之敬之。夙夜毋違。爾閨門之禮。諸母之教。則曰敬



聽爾父母之言。此種誨詞。實乎尙矣。然究屬單簡。爲婦者殊難應用。故劉江東主張於登輿之前。由其母氏或其閨中密友。告以各項之應對法。而尤以對付新郎爲第一要務。此法甚可遵從。惜劉氏未言其手段。當事者仍難取採。不如按照心理學對於夫婦之道及上述之諸方法。直陳無隱。則可以了解一切也。

(乙) 新娘之食品 此日之爲新娘者。既已遠離親屬。來此入地兩生之場所。則悲哽之念。萬難去諸懷抱。故多數皆一日不食。非僅含羞也。乃食不下咽也。今之娶妻者。須先備一清香適口之品。於晚飯之際。送達伴娘。使其勸餐。則用意之週到。雖侍者亦當心佩也。

(丙) 賞錢之分配 此項宜早日準備。然於臨事之時。每多爭執。徒與人。以不快之感。廣東之開門禮。自由索取。頗難對付。伴娘之賞錢。雖不可。



少。然。須。視。其。女。家。之。關。係。而。定。級。數。至。於。各。項。之。賞。錢。千。頭。萬。緒。比。諸。餉。軍。士。爲。尤。難。日。本。中。村。氏。曰。吾。寧。擁。千。萬。之。軍。人。而。分。配。國。家。之。賞。與。金。不。願。集。多。數。之。苦。力。而。分。配。喜。慶。事。之。賞。與。金。以。文。明。之。國。尙。且。如。此。況。吾。國。苦。力。尤。難。於。對。付。者。乎。

(七) 文。明。結。婚。之。應。計。及。者。泰。西。各。國。夫。婦。財。產。以。及。一。切。生。活。事。項。均。有。一。定。之。契。約。今。婚。式。雖。取。文。明。而。嫁。資。之。支。配。問。題。生。活。上。之。担。負。問。題。從。未。有。一。人。計。及。者。今。且。不。問。其。他。卽。以。財。產。而。論。吾。國。富。豪。例。多。給。與。田。宅。於。其。愛。女。以。爲。嫁。資。之。一。部。分。使。不。早。訂。契。約。異。日。婦。死。則。親。戚。間。之。不。圓。滿。者。每。起。訟。端。故。不。若。慎。之。於。先。也。其。他。如。蜜。月。旅。行。或。披。露。晏。諸。項。亦。屬。不。可。漠。視。者。也。



家庭  
實錄

# 婚姻指南第六編

張械泉著

## 男女婚姻衛生法

### 第一章 通論

甲午以還。世尙競趨維新。昔日拘束迂謹之風。漸漸變爲散漫無繩之習慣。桑間濮上。借彼自由頭銜。蕩檢踰閒。誤殺蒼生不少。此何故歟。蓋無真確學說。及正當之研究。有以致之。夫過與不及。其害乃屬相等。此吾人引爲大憂者也。今欲輓此頹風。惟有力求真確之學說。導入正軌。使不誤用情愛。此婚姻指南之所由作也。

關於婚姻上之種種手續。前編已陳述大概。本編所述。全屬於男女婚姻上



之衛生方法。原夫吾人結婚之目的。乃在製造完全無缺之小兒。製造小兒之原動力。實惟情慾是賴。夫婦愛情素厚。而又用適其當者。產生之小兒。必異常聰俊。反是則癡愚必多。此已爲東西洋學者所公認。實驗所得。毫無疑義者也。吾國舊時社會。諱言情愛。卽偶有道之者。必叱爲狂妄。譏爲敗類。實則關雎一章。無一句不說情愛。孔子非但不刪。且冠諸首。聖人之見地。所以能使人崇拜於千載後歟。攷吾人之墮地呱呱。莫不由徑。卽貴如君主。亦不能越此關頭。另闢蹊徑。吾國學者之屏絕不說者。約之言。其原因厥有五端。

(一) 古代文明未啓。國中蠻苗雜居。風俗不良。目覩情形。不肯再道。

(二) 尙虛僞。不崇實學。

(三) 宋以後爲理學所拘。

(四) 無真實醫學。不事解剖。



(五) 無生理學說

綜上五端。乃成今日懵懵懂懂糊糊塗塗之社會。設有人焉。閉目凝思。吾人何以能生育。既生育矣。何以有男女。男女何以能發生情愛。有情愛而後又生男女。何以間有不生男女者。男女間又何以有狂蕩嚴正。愚魯聰明之分。何以有盲聾癡啞癱瘓之別。何以有烈烈轟轟之鹵莽。丈夫何以有萎萎蕤蕤之闕茸。男子吾知此人。設想種種。非至啞然失笑不止。實則凡此設想。均有研究之價值在也。

嘗見某說部載一循規蹈矩之學究。南面教弟子。非禮弗行。非聖賢之語弗道。方正不阿。人亦以食冷肉相期許。一日薄暮歸家。心切四顧無人。乃取道小徑潛歸。不期被一滑稽者所見。明日詣問行。必由徑。一句學究赧然不能置一辭。吾國舊時之以理學自命者。大半類此。好以假面具向人。不然何至



斥。人。之。言。情。愛。者。爲。狂。妄。迨。夫。身。處。其。境。則。必。張。大。其。詞。曰。行。周。公。之。禮。乎。吾。非。故。作。是。言。以。訐。從。前。之。理。學。家。自。取。罪。過。因。茲。編。所。述。完。全。屬。於。男。女。衛。生。又。限。於。婚。姻。方。面。如。循。理。學。家。之。舊。軌。戴。假。面。具。向。人。喋。喋。何。異。隔。靴。搔。癢。張。京。兆。曰。閨。門。之。內。夫。婦。之。私。尙。有。過。於。畫。眉。者。讀。者。能。以。子。高。之。眼。光。而。讀。本。編。則。吾。人。情。愛。上。之。禍。害。可。以。掃。除。淨。盡。不。爲。情。愛。之。奴。隸。世。道。人。心。庶。有。多。乎。

## 第二章 結婚之年齡

衣食男女。人之大欲存焉。世界既有人類。有男女。設不爲配合。不百年世界。卽無所爲世界矣。在昔野居時代。吾人依天然造化。男女自然配合。一度春風。各分南北。無所謂情愛。亦無婚媾。與禽獸無異。稍後文明日進。智識日開。覺野合之不雅。遂行婚姻之制。吾國自唐虞以後。此制已大備。三端六禮。至



今行之不替。時至今日。又覺舊時之婚制不便。自由結婚之說。乃挾歐風美雨而俱來。實則此種婚制。吾國上古時代已有行之者。試一稽古籍。觸目皆是。而滇黔間之苗族婚制。可爲吾國上古婚姻之鐵證。第風俗不同。行爲稍異耳。

婚姻制度之得失。與夫婚姻中應行之手續。與本編無關。茲不多贅。婚姻衛生之第一步。乃年齡問題。卽吾人至若干歲。堪以結婚。是也。吾國自古無若何嚴格之規定。不過曰及冠及笄。約而言之而已。三十而娶。亦屬空談。卽不冠不笄。設欲結婚者。亦無阻之者也。各國則不然。大抵多規定年限。於法律之中。違則科以相當之罰。則規定之年齡。各國不同。因氣候風土稍有差別。大約男則至少十八歲。女十六歲。再小卽以違法論也。一至此時。無論何人。皆有結婚之資格。然各國因生活程度日高。青年男子。鑒於室家之足以累。



人亦有晚婚者。反觀吾國早婚正盛。子弟二十未娶。人必責其父母。此乃家族主義與個人主義不同之點也。然早婚之害。殊可畏懼。不惟爲本人一生之禍。卽所生之子女。亦必身體孱弱。疾病叢生。甚或有畸形癡鈍者。此爲世界醫學家所公認。非臆說也。試觀匈牙利著名統計大家谷倫氏。就二萬四千小兒中調查之。結果如左。讀者不難推敲得之。

(一) 父母年齡在二十歲以內者。其小兒羸弱。

(二) 父母年齡在二十五歲以上四十歲以下者。其小兒最強健。

(三) 父之年齡已過四十歲者。其小兒多不能強健。

(四) 母之年齡在三十五歲以下者。其小兒最強健。

(五) 母之年齡在三十五歲以上四十歲以下者。其小兒百人中。有八人

羸弱。



(六)母之年齡在四十歲以上者。其小兒常百人中。十人羸弱。

(七)父之年齡較母爲大者。其小兒概強健。

此項統計。僅就害及小兒之一部分言之。若於夫婦之本體。則爲害尤烈。夫早婚之原因。乃在父母愛子心切。恐女子年長。易生變故。萬一於身體品行。一旦有所虧損。則將爲社會所擯斥。而不得爲人。故汲汲然爲女求壻。至於男子當智識將開之時。尙難獨立於社會。而既已有室。則心身之發達。因之停止。活動力因而滯礙。記憶不佳。將來之希望。遂成幻夢。雖處青年黃金之時代。因家室之累贅。回首身世。竟不免俄頃骸骨之想。如是更安望其爲健全之國民乎。朝鮮婚娶最早。男女十七八時。已爲人父母。三十歲爲人祖父者。比比皆是。試就留學於日本之學生言之。其無妻子者。殆屬絕無。而僅有三十歲以上。率已抱孫。朝鮮衰弱。爲世所公認。原因雖多。而早婚一事。實爲。



最著之一大原因。決無可疑者。男女結婚適當之年齡。雖因風土之寒燠。教育生活之狀態。及身體發育之程度等。不能強同。就歐美各國之統計表。大概論之。平均以男子二十九歲。女子二十五歲爲標準。日本以男子二十五歲。女子二十歲爲標準。我國無統計可查。準情酌理。男女結婚之年齡。亦以男子二十五歲。女子二十歲最爲適當。若過晚於婚（如四十以外結婚之類）亦有大害。吾人當四十五十之時。其天授之性情。已大半汨滅。即體力與性情二者。皆有流入萎靡之途。不足發揚其生殖機能。並且易罹疾病也。

### 第三章 與有病人結婚之害

青年男女。身體既經成熟。則各思求偶。此人情之常也。然擇之不慎。或爲一時感情所激。則終身貽害。悔將無及。凡男女中一人有花柳病。傳染病。遺傳病等。不特琴瑟難諧。而其影響之及於小兒者。尤大。甚至肢體不具。瘋癲白。



癰。或將。父。母。之。病。質。直。接。傳。於。兒。體。則。爲。同。一。性。質。之。病。世。代。相。衍。傳。之。無。窮。凡。踵。醫。生。之。門。以。求。診。治。而。其。病。屬。於。此。類。者。蓋。更。僕。難。數。也。茲。就。各。種。病。害。分。別。言。之。

(一)梅毒。如男女中有一人罹梅毒者。則其偶必直接受其傳染。並且延毒於胎兒。及流產等事。即幸而成熟矣。其初生之時。手掌及足蹠之間。必有所謂天庖瘡者出現。或經數日而皮膚口唇必起惡瘡。或起肛門瘡。及鼻加答兒等症。終至侵及樞要之臟器。而現梅毒之變狀。以至於死。即幸而不死矣。其終身必爲先天梅毒所苦。身體精神。時呈異態。此爲顯而易見者。蓋患梅毒之人。以理論。誠以不結婚爲宜。

(二)淋病。淋病之毒性。變化及於男女生殖器者。較梅毒爲尤甚。往往有因男子病淋。而女子子宮受其波及。致起子宮重病。甚至於死者。此爲



醫士習見之症。無足奇也。即使不至於死。亦必成流產不妊等症。試就統計表觀之。凡夫婦無子者。大半爲曾染淋病之人。罹斯疾者。非經醫士證明其完全痊愈。萬不可與之結婚。

(三) 結核病。凡男女中一人患結核病者。必至互爲傳染。此無待言。然更有一種潛伏結核之病。不現於外。每因結婚而病勢急進。或女子於分娩時。其病大作。遂至於死。醫家謂之奔馬性結核症。其於胎兒之傳染。影響非如梅毒之直接傳入胎內。生而即見。惟其體質較異。全身虛弱。且成腺症。苟遇結核病流行時。最易受其傳染。將來公衆衛生發達。或可設法防之。此種病質之人。亦不宜與之結婚。其他則凡患重症之肺炎。及肋膜炎者。皆宜遠而避之。

(四) 癩病。此病吾國患者。中流以下人居多。大抵不潔及傳染所致。南



方卑溼之區。及嗜酒之人。有患之者。日本昔時對於癩病。頗加嚴重之制裁。凡癩病遺傳之家。不許與良家結婚。甲州有某村。全村無一人不患癩病者。可見傳染之烈。據世界統計表觀之。布哇癩病最多。日本居其次。凡患此病。不特無結婚資格。且不能與之相近。或同居。蓋癩病有遺傳及傳染之性。與結核略同。而危險則倍之。非但顯此病者宜特別注意。類似者亦宜趨避。維謹蓋其害最烈。可傳至萬世子孫而無窮也。

以上四種。不過述其犖犖大者。此外尙有多發。骨腫。多發神經腫。癌腫。肥胖症。進行性筋萎縮。色素性網膜炎。假性筋肥大。色盲。近視。眼聾。耳血衰。病尿崩。病糖尿病。腦溢血。精神病（如癲癇。希斯德利。錯迷狂。精神恍惚。躁狂。妄想狂等）等。悉有遺傳之性。且皆潛伏於體內。乘機而發。甚至有殺人。或自殺等狂疾。泰半由傳染而來。若矮小。巨大。枝指。副乳房。異毛發生。母班。兔唇。



口蓋破裂。小眼等。更爲其父母血液之作用。或有承其祖脈傳之子子孫孫者。或有因其父母之特異性狀。而新發生者。以一朝之誤。而貽害於無窮。甚或滅族亡宗。比比皆是也。佳偶曰妃。怨偶曰仇。信非厚誣也。夫人類血系。縱至美善。而實際分析之。絕無醇之。又醇無毫釐。訾議者。惟在善相調和。取其大醇。補其小疵。則琴瑟自調。螽斯可卜矣。

#### 第四章 婚媾之注意

結婚爲人生之一大關鍵。處女之始接近男子也。其肉體與精神上之變化。較男子尤多。故當紅潮滿漲之時。神經系統必受顯著之激刺。設行婚禮之夕。適值此時。爲害實非淺尠。宜設法避忌之。德國希查克博士。謂女子嘗多心臟病。結婚之後。必益加重。蓋夫婦之行爲。一有不檢。尤易生疾病也。若女子生殖器之奇形異態。尤爲夫婦間愛情之障礙。如鎖孔強韌之處。女膜陰



唇一部之閉鎖。嚙口（即陰門）狹小。皆足爲封關之丸泥。雖有勇者。莫可如何。因此而悲。破鏡者。不知凡幾矣。妙齡女子。當結婚之前。須自爲審查。果有此等障礙與否。（按青年女子對於上述各症。甄別有無。殊屬困難。蓋既非醫生。又無經驗。辨別實無從入手也。最好在初次交接半月之內。辨別之。）有則必訴於母。或夫。及可靠之西醫療治之。爲人母者。亦必深加注意。新婚之夫。尤須詳爲審察。今人往往諱言。以謂污穢隱私之事。難爲人言。噫。何其陋歟。君王民主。志士國民。誰能逃出此關。試思之。天下事。庸有重於此者。即人身百體之中。亦庸有要於此者。此曰污穢。何往而不污穢耶。

男女結婚適當之時期。固以年齡爲標準。然男子有年至二十。不知人事。其長不逾三尺者。女子至十七八。潮信未至者。（有疾病者當別論）攷諸中國醫學。謂男子年十六而精關開。女子十四而生機生。各國學說亦大同小異。



設女子年逾二十而經期不至者因其身中某部發育稍遲結婚之後驟被戟刺反能迎刃而解得美滿之結果男子則非十分虛弱無有不發育者但新婚之時身軀勞乏中酒或偶有疾病等當格外注意否則必因此而致疾也。

#### 第四章 生殖作用

凡動植二界莫不爲保持生存及蕃殖種族二原則所支配所謂蕃殖種族者卽此生殖作用之結果也其作用之方法雖物各互異而其要點不外使男性之精液接觸於女性之卵珠卽如植物開花嘗以雄蕊之花粉接觸於雌蕊之花柱而後得傾筐之實者也凡一花之內或爲有雄雌二蕊或雄雌各異其各異者常因風之作用或蜂蝶之媒介而相接觸此人所共知者動物亦然魚類之卵一經排漏雄者從其後而以精計逼射之則蠕蠕而動化



而爲魚。蚯蚓自相交合。密接其體之兩端。而不肯遞離。自行其生殖作用。斯則動物中亦有一身具二性者矣。嘗於春夏之交。朝露未晞。閒行階際。見有雄蜂數十。環繞雌王之側。以一親香澤爲快。是果何爲者。又有六足之蟲。雌負其雄。飛鳴自適。更有生殖之作用。既終。旋即奄然自斃者。蛾子之類是也。如馬也。其精液。或以斗量如雞也。則一滴而不復再。而貓之嗥然。而悲鳴者。其痛苦之狀。殆復難堪。是又造物之所以故爲狡獪也歟。要而論之。生物之種類。雖千差萬別。究不過陽性與陰性。媾合而成胚胎。生生不息。相遞爲用。生殖作用之發動。在人類曰春機發動期。在獸類曰游牝期。既達此期。兩性相慕而忍俊不禁矣。嘗聞有一種獸類。一達游牝期。其雌者噴發一種臭氣。雄者嗅之。輒爲色奪魂。與春心如焚。其他如鳥獸之啼而呼雌。及螢之發光。何莫非此作用中之妙機也哉。



## 第五章 生殖作用之時期

生殖作用已如上章所述。然世人往往誤用其情。容易誤認爲體慾上一種娛樂機關。其結果乃生種種弊害。蕃殖種族之觀念。百人中難得一二。大可哀也。豈知此生殖之作用。爲極神聖而不可猥褻者乎。然則利用此生殖之時期。吾人當以何時爲最相宜。是亦宜研究之一事也。攷日本古諺有云。春三夏六秋一冬孤。（謂春季每月三次。夏季六次。秋一次。冬則夫婦異居。并一次而無之也。）素問（中國醫書名。相傳爲黃帝時作。實則周秦時人追述者也。）曰。冬不養精。來春病溫。吾國諺云。秋收冬藏。是雖不如日本之直捷痛快。要亦戒在秋冬。行在春夏。則毫無疑義。大約在此兩季之中。身體清醒。精神健旺。夜宜早寢。熟睡一二小時。使白晝之疲勞休養回復。而後夫婦發動。其真摯之情。慾心不他顧。其時則爲夜半。事後尙能休養。次日之精神不



至。渙。散。也。其。有。身。心。不。適。或。身。體。過。勞。或。飲。食。前。後。或。酩。酊。大。醉。或。憂。慮。叢。集。或。職。務。煩。冗。或。將。早。起。或。已。遲。眠。或。值。婦。人。月。經。或。值。春。情。未。動。或。妊。婦。五。月。以。後。或。產。後。八。周。以。前。皆。所。切。忌。至。或。因。一。時。之。便。宜。日。中。爲。市。者。必。待。食。物。消。化。淨。盡。之。後。至。少。必。須。食。後。三。小。時。有。犯。此。禁。者。於。胃。部。之。消。化。甚。爲。妨。礙。終。且。至。於。消。化。不。良。以。其。有。勞。於。精。神。也。卽。從。事。勞。働。之。時。亦。切。忌。之。必。以。俟。諸。休。息。日。或。有。不。注。意。於。此。者。則。精。神。衰。弱。身。體。柔。脆。殊。可。懼。也。

吾人在春情發動期內。一度春風。珠胎曾否暗投。倘以此叩諸三多老人。吾恐其決無十分有責任之答復。蓋娠妊與否。至少必待一月以後。甚至歷二三箇月。方可證實。於是則一月之中。而再而三矣。然亦不能無度。卽據上述。亦不足以爲標準。蓋吾人體質之強弱。及年齡氣候。生活狀態等。各不相同。



攷其實際。歐美人較東亞人度數爲多。強壯之人。又較虛弱人度數爲多。約而言之。無病健全之人。依生理學說而認爲無害之適當度數。在春夏二季。二十歲至三十歲之人。每五日一次。自三十至四十。每旬日一次。四十至五十。每月僅可兩次。五十以外則宜禁絕房事爲上乘矣。然在身體之營養豐盛。生活安全。足以保持其健康者。卽五十歲以上。偶一爲之。亦復無妨。而青年之身體羸弱。且滋養不豐者。反在當禁之例。至于從事學問之時。於此事決不相宜。而女子當月經開始後。未滿一年之期內（卽女子發身而未滿二年）更宜嚴禁之。爲人父母者。爲子女定結婚之期。此層必當注意。大凡月經來時。其身體與生殖器。殊有種種之關係。故女子初有月經時。譬諸名花乍蕊。胚胎醞釀功候未深。豈能受暴雨狂風之摧折耶。

## 第六章 結婚以後之節制



吾人普通在十五六歲而解人事。至二十餘歲而結婚。在此期內。無定力之人。必犯所謂反性的體慾。或宿娼誘奸等種種不規則行爲。自暴自棄。甘作情慾之奴隸。姑不具論。設或嚴正之士。身無二色。直待結婚之夕。始破題兒第一次接近女子。從此則暮暮朝朝。卿卿我我。有不可一日無此之概。彼必曰。吾正式所結之婚姻。閨房之中。誰能干涉。此又大謬不然者也。蓋吾人之精液。一日所生甚微。一日二十四小時。究竟能生精液若干。固因強弱之關係。不能一定。在醫學上亦無確實之判斷。決不足春風一度之需。此則已爲世界所公認者也。或曰。泰西學說。有謂男女交接。有如正負電之調節。強制不行。反有大害云云。何與子說完全相反。此說誠然。但此項問題。頗爲重大。各國學者。對於此問題。往往甲是而乙非。至今莫能衷一。以著者之眼。光觀之。殊不敢贊同樂觀派之放任說。今姑就悲觀派之節制說言之可耳。



凡吾人之所謂春機發動期。一至生理上一定之年齡。自然發育。男之慕女。與女之慕男。皆爲天地自然之妙機。假令強予節制。實違背天與之法。則然任意斲喪精血。有幾必至力竭精枯不止。其爲害何堪。設想故吾書之所謂節制者。乃節其房事。不爲亂交。未聞有因節制淫慾。精液鬱積而無端中毒者。有害無害。自無待言。况僅節制之某某定時間（如上章所述）。其爲裨益。何止萬千。不見夫競技者乎。其與人角力於平地。以決勝負。時莫不遠避婦女。以防其內情之挑動。奮興致消耗其原氣精力。此吾人防止精液之排泄。爲多數學者所贊同也。

吾人之種種私慾。忐忑不定。節制爲難。淫慾一事。尤爲難上之難。雖然煞費苦心。而卒無功效者。皆爲志行薄弱之人。如有充分克己之功夫。則節制初非難事。大凡淫慾之發動。在男子則其睪丸中必有充滿之精液。刺戟反射。



以動其腦筋。在女子則卵巢內有一種反射的刺戟。足以發動其淫慾。如食慾然。據生理學家云。此爲發動淫性最著之原因。其次則曰。誘譬如一切猥瑣狎昵之小說。陰部之刺戟。及男女肉體一部之接觸。握手接吻。演劇。春宮圖畫等。皆足以誘致其慾情者也。知其弊而遏制之。第一當清新其身體。雖不必如佛家之面壁。亦須有克制之功夫。第二則除其誘因。確有功效。然有時並無誘因而淫慾甚熾。至不能堪者。是不可無特別之療法。以療之。據生理學家審定。則以室外散步爲最相宜。如平時能爲有規律之體操。或冷水浴。狩獵等。功效尤著。此外如讀古聖賢之傳記。或信耶穌教者。讀其聖賢經傳。皆足以制止者也。

## 第七章 有害女子之交接

結婚以後之克己。已如上章所述。大抵關於男子方面。而於女子方面之利



害關係。尙未述及。似爲缺憾。故本章所述。完全屬於女子也。當女子月經來時。其生殖器。有顯著之充血。內粘膜之血管。大率均經破裂。而成新瘡。抵抗力非常薄弱。最易沾染毒氣。設於此時交接。其害女子者。固易罹子宮內膜炎。膿口。加答兒。白帶。血崩。精神病等種種疾病。而於男子。亦有大害。尿道炎。睪丸炎等症。大半亦由此中沾染而來也。昔時日本風俗。以月經爲不潔之物。凡女子在月經中。雖其夫之側。亦不容坐立。同衾更無論矣。至今沖繩及八丈島地方。尙有於村外別置小室。以備女子月經中坐臥之用。此風蓋尙存耳。此事雖原於宗教。而與衛用法頗爲暗合。既能使其夫不勞精神。身體又可保護自身。並藉以安慰其夫。夫婦間之情愛。固應爾爾者也。吾人之男女配耦。其目的。乃在製造小兒。女子既已妊娠。是目的已達。從此可告一段落。再俟機會。作第二三次之製造。不觀獸類歟。一旦受胎。則不復



交接而遠避其牝。惟人類欲依此行之。其勢恐有所不能。使人類一經受胎。卽相互避忌。豈非上乘然持之過嚴於實際上。必有兩難相副者。勉爲適當之注意。斯可耳。完全廢止之期至遲在妊娠五箇月後。蓋此時生殖器再受刺戟。則神經機能易起障害。而至流產。流產之害至爲重要。此爲人之所宜知者。大凡適當之分娩。猶之瓜熟蒂落。乃適合天然之生理。苟無橫產及意外之障害。可高枕無憂者也。惟此流產爲一種至重至危之險症。且因暴亂而起之流產。與墮胎同。胎兒之死亡。無論卽母體之生命亦極瀕於憂危。身體必陷於虛弱。卽幸而不致流產。母體必受無窮之痛苦。甚或難產。或使不良之影響及於胎兒。此則宜銘心刻骨深而識之者也。至于分娩後之產婦。尤宜善爲保護。蓋凡新產者。其生殖器必受無數之新瘡。此瘡再易爲傳染病及其他不潔之物所侵礙。故當力保其清潔。不可有一毫他物攙雜及之。



且其既破無數之血管。日復一日正待平復。設再受外來之刺戟。必再行破裂。而致出血。或起全身貧血之症。其子宮及腔。當妊娠及分娩時。既以極度擴張。產後漸次收縮。非經過七禮拜。其勢決不復元。此時苟驟與刺戟。以妨害其收縮之力。將不免子宮後屈。腰曲。乳汁全無。終身病弱等症。爲人夫者。當少安毋躁。謹守此戒也。

## 第八章 醉後交接之害

酒之爲物。有百害而無一利。醫家謂能通血脈。是治相當之病。則或有之。然考其究竟。亦一種麻醉藥也。飲之能使人精神奮興。情慾發動。乍觀之似爲無上之奮興藥。實則皮相之言。未知酒之本性耳。大凡人之身體。有奮興神經。與制止神經。二者相互爲用。酒之第一性。在使制止神經麻醉。而驅使奮興神經。及至於大醉。則雖奮興神經。亦並使之麻醉。而毫無所知。在精神的



動作之方平日原以理性制止情慾。一朝痛飲。則第一之理性既彼麻醉。惟此情慾獨占優勝之一方。忽而色慾大起。卽並其他種種之慾望。亦無術以遏制之。此時苟誤認爲奮興之時期。一任感情之動作。而暢行房事。則一旦清醒。必致非常衰脫。且使所接而爲娼妓。或不潔之婦人。則更有因相持過久。傳染花柳惡病者。自胎兒一方面觀之。凡醉中交接所生之小兒。長成之後。必多癲癩白癡及其他種種之精神病。或則身體虛弱。行動呆笨。試觀各國統計。可以洞明其故矣。酒之爲害。及於生殖作用如此。其慘此實可爲恐怖。而宜慎之。又慎者。今試再就亞魯哥兒之及於精蟲之作用而證明之。則凡精蟲入於亞魯哥兒飲料之中。必彼此互相衝突。巡迴反復。上下顛狂。如不堪其怒者。舉動既久。旋即痺麻而殭。假令直接入於酒中。則尤甚焉。然則吾人如既經飲酒。此時半狂半惑之精蟲。設或一旦受胎。果能爲健全之小。



兒。而。生。耶。抑。將。生。半。狂。半。惑。之。小。兒。耶。此。無。論。何。人。不。難。想。象。而。知。者。也。

## 第九章 食物與情慾之關係

食物與吾人之身體性情。實有至大之關係。上古之人。茹毛飲血。其性蠻狠。而好殺。佛氏茹素。其性乃最慈善。先天之秉性固已早定。而後天之食物。亦有變易之作用在也。歷來相傳。魚蝦爲壯陽之物。日本古諺以鷄卵乃道淫之品。其實不獨魚蝦鷄卵爲然。凡食物之含有愛基士類者。無不爲催進情慾之猛劑。大抵情慾之發動。爲一種神經作用。使陰部神經奮興。而一切神經刺戟之時。皆能以直接或間接。催進淫慾者也。在食物中多含愛基士類者。當以鳥獸肉類爲第一。而斯勃亦多食有之。至香辛料中。如葱韭及亞魯哥兒之類。雖服食少許。亦有奇效。故歐美人情慾之發動。較亞東人強。此非獨體格之強堅。蓋食物之關係。亦有以致之也。僧侶禁食肉類。其情不在聞。



其聲而不忍食其肉。蓋淡泊之食物。殊足以抑制情慾。此所以淡泊養志。昔人垂爲名訓也。然近據生殖器大家虎治克博士之所實驗。則謂貝類皆含有一種磷質。爲食物中最能催進淫慾之品。而魚獸肉類。尙次之。根菜類如馬鈴薯者。含澱紛質甚多。富於滋養之品。亦能催進淫慾。野菜類如塘蒿。防風。香料如葱。胡椒。薄荷。肉豆蔻等。莫不皆然。且有人因食松露而大動其春情者。其他如蕃茄。豆類。亦復時奏奇效。螭龜。尤靈。蛙肉。則過淫之人食之。尙能補疲勞而助營養。至於蕪青。甘藍。南瓜。則大與之反對。有抑制淫慾之功。好淫之人。可常常服之。以爲鎮定之妙藥。有神驗也。昔土耳其某帝。嘗欲試驗食物與淫慾。究有若何作用。勅命不近肉食婦女持戒最嚴之僧侶二人。使之起臥宮中。廣賜以肉食香料之屬。復伴以妙齡婀娜之女子二人。日侍其側。或以言語。或以舉動。百計挑逗。以發其春情。結果卒使此戒律嚴重之。



僧侶。不復。自持。而破戒焉。此爲法蘭法西學者海素克筆記所載。殊足爲本章之參攷也。

## 第十章 男子生殖器之構造

男子生殖器。分爲二部。(一)蕃殖器。(二)交接器。睪丸。副睪丸。輸精管。射精管。屬於第一部。攝護腺。哥伯兒氏線。陰莖。屬於第二部。睪丸。在陰囊中。形如卵。爲二個之腺體。由睪丸白膜。睪丸小葉。及細精管三者而成。細精管爲分泌精液之用。在生殖作用上。最屬緊要。且能製造精液。功用無窮。其精液之分泌也。自春機發動期。以迄老年。常源源不絕。惟患睪丸炎症者。則精液無從分泌。無生子之能力。副睪丸。在今日學者。皆以爲與生殖作用。無大關係。其位置在睪丸縱面之上。扁圓而長。如睪丸之覆蓋。其尾彎曲而上者。爲輸精管。乃輸送精液之物。蓋精液之由睪丸入於精囊者。皆賴此管之力。以輸



送之。其由陰囊突出。入於鼠蹊管內。再由鼠蹊管出。環繞膀胱之底部。直達於精囊者。因有強厚扁圓之膜管。分爲內外三層者在也。陰囊乃包括睪丸與精系二者。中分內外二層。其外皮常有皺襞。作赤黑色。且不特包括睪丸與精系之用。而於生殖作用上。極有關係。凡身體健全之人。當交媾時。陰囊筋之力。必異常振作。使睪丸緊貼於尻骨盤。故射精因以有力。如陰囊筋力不足時。精液便不能迸力直射。亦爲不妊之原因。精囊常滿貯精液。所謂貯藏庫是也。在膀胱之兩側。有膜囊捲縮而成長徑。出設不常。是卽其尖端貫通於攝護腺。至尿道而舒張其口。攝護腺爲纖維膜筋織膜及腺質三者組織而成之膜體。狀如栗子。常能分泌一種明透粘稠之膠液。其中稍含臭氣。病時此腺肥大壓迫尿道。致妨溺管。哥伯兒氏腺在尿道三角韌帶之兩葉間。成小豆形。帶黃赤色。爲一種葡萄狀之腺體。亦能分泌粘稠明透之膠液。



而其性略鹹。所謂通常精液者。乃由睪丸分泌液。攝護膜液。哥伯兒氏腺液。三者和合而成。交接時奮興之初。兩液即已排泄。繼而片側之睪丸分泌液。亦排泄之。迨達於奮興之極度。兩側之睪丸分泌液。乃同時排泄。此其大概之順序也。陰莖在羣骨前下部兩股間。爲交接之要具。通常區別爲三部。曰頭。曰體。曰根。其頭即名龜頭。成圓椎形。頗多神經血管。其上有包皮。所謂包莖者。在其頭部之周圍。狀頗隆突。下方之狹隘。曰頸。通體由海綿體。白膜。外皮。三質構造而成。性主擴張。勃起時。其容積能較平常加增二倍。或三倍而強。此人人所知者也。

## 第十一章 女子生殖器之構造

女子生殖器。大概與男子相等。亦有蕃殖器及交接器兩種。卵巢。輸精管。子宮。屬於蕃殖器。陰唇。陰核。前庭。巴爾德林氏腺。屬於交接器耳。卵巢在小



盤骨內。其形扁平如卵。作薔薇色。長一寸有半。廣四分之三寸。厚三分之一寸。有細管連於子宮。爲固有膜、髓質、皮質三者組織而成。乃分泌卵子之貴重機關。其皮質中含有大小無數之濾胞。大者爲革拉夫氏胞。胞之內壁爲卵阜。卵子卽生於其中。大僅一寸百二十分之一。每四禮拜間。此胞破裂一次。將卵子由輸卵管運送於子宮。其時卽爲月經。此卵卽留於子宮內之新瘡面。以待受精之機會。此時如適受男子精蟲。卽受胎。否則與下次之月經相混排泄。輸卵管亦名喇叭管。由子宮之兩側達於卵巢附近。如喇叭然。分內中外三層。其任務在於將卵子自卵巢運入子宮。子宮在小盤骨內。卽膀胱與直腸之間。狀如扁平之梨子。亦分內中外三層。有擴張性。長三寸。廣二寸。厚一寸。內腔空虛。下端曰子宮腔部。蓋由腔中挺出者。子宮一物。爲月經所由發生。卽爲娠妊時生育胎兒之處。此人人所共知。實女子身體中至貴。



重之物也。陰唇有大小兩種。大陰唇爲陰門裂孔之牆垣。有長條二。作隆起勢。外皮有皺裂。小陰唇在大陰唇之內側。有小皺裂二條。其內面當處女時。色帶淡紅。至破身後。略作紫色。處女膜卽生於是間。完璧與否。固不難於是處。辨別之。然亦偶有不慎。或體操等誤。將是膜裂破。是又當別論也。陰核在大陰唇前連合處之下際。爲海綿體所構造。與男子陰莖同有擴張性。狀如圓柱。具有快美小體。前庭在左右小陰唇之間隙處。略帶三角形。其基底直通於腔口。中央爲尿道口。爲粘膜及靜脈叢在之處。巴爾德林氏腺。其形如蠶豆。在腔口兩側。而開其口於小陰唇之間。色帶黃赤。常分泌一種騷臭之膠液。使腔內粘潤。有障礙時。此排泄口卽行閉塞。而腔內亦卽乾枯。凡腔內有特別惡臭者。卽由此分泌液之異狀而來。頗似男子之哥伯兒腺氏焉。陰阜爲大陰唇上端之穹窿。富脂肪層。至春機發動期。則陰毛環生。疎密乃因



人而異。間有不毛者。乃屬少數。此毛頗具電氣作用。爲生理學家所公認云。

## 第十一章 生殖器之養生法

生殖器構造之大概情形。已如上章所述。而其養生方面。吾人不能不加以注意。蓋生殖各部之質地異常柔弱。非如一手一足之可以經若何風浪也。故位置頗屬安適。卽外部各器亦受兩股之保護。非至萬不得已時。決不能損及毫末。此乃天然妙機。所以使吾人生生不絕也。準是而論。生殖器應無疾病之可言矣。然據統計結果。百病之中。生殖器病乃占二十。乃至三十。此又何故。蓋致病之由。不外斲喪與戕伐。二塗質言之。卽不知養生方法。是也。人身與精液之關係。譬諸機器之與蒸汽。燃燒之煤。乃吾人之食物耳。設洩汽過多。機器必不能保其常度。此盡人皆知者也。吾人之精液。本於睪丸之分泌。爲白色粘稠之液體。自攝護腺。哥伯兒腺。分泌而成。含有無數蛋白質。



及磷酸鹽類。以顯微鏡視察之。其發白色之光輝者。謂之斯拍而敏。爲腦及神經唯一之滋養品。一旦洩泄過多。則此等滋養之供給。立即停止。或缺乏。猶機器之不得蒸汽供給耳。諺有之曰。人參地上草。精液人身寶。可以想見。精液之貴重矣。雖然。若行適當有度之交接。固屬無害。反是而強予節制。實背天與之法。則轉於身體有害。故吾人所宜禁止者。爲過度及反性之手淫。與無恥之雞姦等是也。就中尤以手淫爲害最大。可稱爲戕伐身體之健。將蓋無度之交接。及雞姦等。尙係合爲的。而手淫則自爲的。無需仰求於人者也。血氣未定之青年男女。最易踏此惡習。久之。男子遂有夢遺滑精。尿道炎症。膀胱炎。淋漓。早洩。陽萎。連帶及頭眩。記憶力薄弱。神經衰弱。血枯。乃至於死。女子則內膜炎。子宮炎。白帶。赤帶。血枯。腦病。神經病。不娠。癆瘵等。亦至於危亡。天下之慘。未有過於此者。養生之道。首在除去原因。其因如在過度之交。



接必須屏絕房事。如在手淫。卽當誓不再爲。而一切不規則之書畫淫詞。及足以誘起淫念之小說。褻語。亦當屏之。盡絕衣服。必須寬大。使局部不爲衣裳激刺。勤習有規則之體操。多閱先聖先賢之格言。及經典。食淡泊之食物。忌烟酒及辛辣之物。早起早眠。被褥不宜過厚。寒暖必須均勻。如是則非但舊病可愈。上壽固無須向海上三山去求也。

## 第十三章 男子生殖器之疾病一

(一) 夢遺滑精 男子既達一定之年齡。淫慾自然發生。故往往有遺精之事。在品行端正之青年男子。偶或有之。其一星期一次。或若干次者。其人無論如何精碩。無不被害而成疾病。至於因戀愛而起者。卽夢遺是也。每每於夢中忽見相慕之婦人。恍恍惚惚。近而就之。精液遂無端洩漏。此等影響至爲重大。尤宜注意之。否則其結果必致滑精更進。至于腦神經衰弱。而一切。



精神的動作以及種種之作業力因以喪亡繁殖子孫一事更付諸夢想中也其症皆由手淫無節房事過度等而起療治之法在除去原因晚餐後禁煙酒茶咖啡之屬寢時宜着合度之寢衣夜半警醒必起旋溺夜中務令乾渴以爲常度臥宜曲如弓一朝警覺急離寢席不宜再寢蓋遺精者多出於此復睡時也此乃自己療治之大概如症已甚重或已引起他種疾病者則必須由專門醫生醫治之也

二二陰萎 因生殖器障害致陰陽不能交接或縱能交接而子嗣終付缺如蓋不外此二種後者謂之男性不孕症無法療治前者謂之陰萎純爲精神的病症其原因雖有種種結果要歸於手淫蓋患陰萎者十分之四由於自信力之薄弱有平時誤犯手淫既見醫書所云引爲切戒或於其他之閱歷知手淫之爲害至大自分此生難期交接者或竊懷疑懼見辱於婦人者



其。他。如。糖。尿。病。尿。崩。症。貧。血。症。房。事。過。度。癆。瘵。誤。用。春。藥。等。等。總。而。言。之。皆。由。戕。伐。過。度。下。原。虧。虛。所。致。其。療。法。不。可。不。準。於。病。原。而。行。其。精。神。的。陰。萎。症。宜。鼓。勵。勇。氣。多。服。滋。養。之。食。品。常。行。適。宜。之。運。動。等。爲。最。要。之。條。件。並。忌。反。復。強。試。交。接。及。勉。強。振。起。而。催。進。之。等。此。外。近。日。斯。氏。額。爾。氏。所。發。明。之。鹽。酸。樂。興。品。以。之。療。治。此。患。頗。有。效。驗。其。用。法。乃。取。皮。下。注。射。及。內。服。二。法。用。量。如。左。

內服藥 鹽酸樂興品溶液 一〇

右係滴劑。一日三次。每次服五滴乃至十滴。於飯前一點鐘服之。

注射藥 鹽酸樂興品溶液 五〇

右爲皮下注射藥。一日三次。各用四分之一。乃至二分之一。

(三) 龜頭糜爛。此爲不潔之原因。宜常入浴。清潔其局部。以五十倍之石



炭酸水。參入百倍之里助兒入洗之。再搽布以沃度兒。或沃度呼倫。以防腐繃帶之包裹包紮之。如痛極難堪。或塗以二十倍之哥嘉銀水。是爲普通療法。

按右症與花柳病有別。如係花柳症。當請專門醫生醫治之。

#### 第十四章 男子生殖器之疾病二

(一) 睪丸炎。此症種類甚多。有淋毒性。結核性。梅毒性。除續發性及結核性睪丸炎外。皆宜行適當之療法。且必須經醫師之手診。如睪丸中覺稍有炎蒸之徵候時。宜急求良醫施治之。不可稍忽也。結核性略帶疼痛。蓋多起自副睪丸。凡睪丸或副睪丸如起有異狀之硬結物。漸次增大。必至潰裂而成瘻孔。或有因崩潰過急。自他側而傳染於睪丸者。是爲慢性。其他如結核症而發原於睪丸。則宜以摘去術行之。此卽所謂續發性也。其故大抵由於



肺。或膀胱之結核傳染而來。縱令摘去。辜丸而其他機關之病。未經平愈者。仍無功效。計惟有徙居空氣較佳之處。服食滋養品。以維持其體力之一法。此外無他策也。淋毒性其性最急。發熱劇痛。而多腫脹。此症最宜安謐。即步行。或乘車至醫生處時。均宜慎重。食物宜極淡泊。凡刺戟性物。均宜忌避。並用提辜帶提舉。辜丸不使着力。致增疼痛。以十倍之伊齊奧兒軟膏及水銀軟膏塗擦之。二藥在藥房中購之。有時或以水囊盛冷過水蛭十條。緊貼於會陰部際。或更將加魯魯士泉鹽十革郎。以水一〇〇。溶解之。吞服。以通便溺。至梅毒性多發源於辜丸有疼痛者。有不疼痛者。法以水銀軟膏塗擦之。以汞劑注射之。或再服沃度加里等。以驅梅毒。此症有不孕及能孕之別。當以顯微鏡鑑別其精蟲而辨別之。

(二)陰囊水腫 由辜丸負傷成淋。毒性梅毒性結核性。辜丸副辜丸炎等。



而起。小兒或中年人多有之。能使陰囊逐漸肥大。或竟大如人頭。或腐爛而發奇痛。此非庸醫所能療治。普通治法。卽先以套管針取水而出之。俟其漏洩之後。更以無水酒精沃度丁幾。或魯哥爾氏沃度液等注入之。以期痊愈。然究以請有經驗之醫師治之爲得也。

(三)攝護腺肥大。陰囊與肛門之間(卽會陰部)腫脹疼痛。或腫脹過甚。因而壓迫尿道。小便不通者。卽爲攝護腺肥大症。其原因頗不易明瞭。大抵由近傍機官。如膀胱等之炎症而起。患此者老人最多。治療宜用局部冷罨法。小便不通者。則加用鐵爾爲適宜。然恐不甚見效。請良醫療之可也。

(四)精系靜脈瘤。凡精氣過盛之少年。多罹此病。常覺睪丸及精系之經絡緊縮漲悶。不復舒展。或發炎熱。時作痛楚。或色慾消失。或睪丸發疽。卽此症也。療治之法。輕者可用提睪帶壓迫之。或滌以冷水。重者須別倩醫師施。



以手術。此外無他策也。

(五)陰部發臭。凡男子或抱病之女子。往往因巴爾德林屯腺之分泌液。異於尋常。即俗所謂裾腋臭者。時發一種奇異之惡臭。即屬此症。大率由不潔所致。其療法當以清潔爲第一。如中有小孔。則於入浴時。每次以雅爾潑士肥皂洗之。若因子宮內膜炎。及子宮癌等而發惡臭者。自當別論。能治其病原。其病自除也。

## 第十五章 女子生殖器之疾病一

(一)陰萎。女子亦有陰萎。乃同於男子。有不孕性。及不能交接兩種。前者爲卵珠不被製造。每當適當之時期。其喇叭管不降而升。故不孕。後者多由膣之痙攣而起。要以手淫爲第一原因。其他有因膣口狹隘。及處女膜之堅硬而起者。更有神經過敏之髻齡弱女。覺新婚之初。羞澁驚怖。致罹是症。其



原因在腔口之感覺性敏速異常。將交接時。腔活約筋。必痙攣收縮。閉禁門戶。以防突進。卒之勢不能敵。驟被懲創。痛楚驚惶。因而致病。久患此者。其神經性必極用事。往往成西斯鐵里症。其療法先禁房事。宜浴溫泉。凡滋養之食品。及適宜之運動。一切衛生之道。首宜講求。其原在手淫者。以用樂興品療法。頗具特效。其在氣質無變化者。虎律克博士謂宜用麻醉藥。使知覺盡泯。而後行房。則下次可暢所欲爲矣。此乃博士實驗所得云。其局部狹隘者。用擴張法。處女膜堅硬者。用切開法。但此等手術。非由練達謹愿之醫師爲之。不可毫無經驗之人治之。殊危險也。至局部有因炎症而起痛楚者。卽塗以五十倍之硝酸銀水。或哥嘉銀水。亦頗有效。

(二)陰門炎 此症多因不潔。手淫。強姦。外傷。白帶下。及猛烈交合。淋毒之感染。或尿瘻(尿道開於腔口)糞瘻(直腸與陰部交通)等而起。其陰部粘



膜必腐爛而發癢。或漏濃汁。療法以除去其原因爲第一着手之方。次則須身體安謐。局部清潔。以三百倍之利查兒水。一千倍之昇汞水。用伊爾里加德時時洗之。然過冷則易受刺戟。必使溫冷得宜。此爲最宜注意者。洗後塗以十倍之亞鉛華瓦塞林（白油藥西藥房皆有）其有糜爛過甚者。則用二百倍之皓礬水。依前法細細洗滌之。而撒之以集德爾（茶色粉末）塗以十倍之單寧酸里司林（水藥）大的數日之後即可平愈。愈後如不注意。於以前種種原因。則必復發。故愈後之注意尤爲緊要也。

（三）陰門癢。因白帶下。經血尿。糖尿病。病人尿之刺戟。或由子宮尿道膀胱而起。以其癢甚劇。故往往色慾橫行。病勢最盛者。其癢尤不能堪。因而有圖自殺者。其痛苦可知矣。至於療法。在因他病而起者。非先治其病源。不能爲功。通常必一日入浴數次。其水以及腰爲止。以百倍或二百倍之單



寧酸水洗滌。腔口以五十倍之石炭酸水浸外陰部。或塗以二十倍之歌嘉銀水亦宜。

(四) 腔加答兒。患此症者。其陰部常流出一種白色粘稠之膠液。如濃而熱。陰門如有重物壓迫之者。神經甚敏。新婚婦人有患此症者。其原因概由手淫。創傷。感冒。淋毒之感染等而起。治法。首當去其原因。其次則以亞爾加里泉水(即炭酸水)或已經煮沸之水。浸至適當之溫度而後洗之。如屬慢性。則以百倍之明礬水。百倍之單甯水爲代。再以百倍之單寧酸克利士令十倍之伊齊奧兒瓦塞林(黑色油藥)塗於棉球。(即將藥水棉槎揉成丸。球端繫線。用畢以便引出。)插入腔內。一日二次更換。甲乙瓜代。身體宜安心。靜養。宜食淡泊之食物。並講求適當之衛生。

## 十六章 女子生殖器之疾病二



(一)子宮內膜炎。此症爲子宮病中所常見者。今人稱之爲子宮病。卽指內膜炎。實質炎而言。必宜就適當之醫師療治之。茲將自行注意之事略舉其大概。蓋內膜炎有急性慢性兩種。大概多由痲疾。房事過度。產後或月經時。流產時。不善衛生。及身體過勞。陰陽倒置。痲症。天然痘。猩紅熱等症而起。在急性症初時。惡寒發熱。如傷風。然繼則下腹部疼痛。便溺頻數。此時宜令身體安謐。以佛蘭絨浸入溫湯熨帖其腰部。及下腹部。冬時則以湯婆子爲宜。然後再服西瑪士油等緩和之劑。以通便溺。西瑪士油每次必用二十革郎。稍加以水傾磁甌中。一氣飲之。如小便之量猶有不足。則飲冷溫沸水。或荷蘭水亦宜。至於慢性症。其熱較緩。下腹部及腰部等時覺有一種不規則之痛楚。起於其際。經血增加。粘液分泌甚多。混而爲濃。此卽所謂白帶也。其實白帶下多。因慢性子宮內膜炎而起。而白帶下之婦人。竟往往淡漠置之。



久而久之必至不衽甚且成其他之障害乃至喪生此最宜注意者也。蓋凡健康之生殖器除經血而外決無他物至於外溢者耳。且患此症之婦人其神經必極敏速。易受感觸。或遇事善怒。或凡事深思。大約婦人之性情褊急者。其人必患生殖器病無疑。其療治據醫家言必用子宮抓爬術。即將器械剝去子宮內面之病根。是爲根本治療法。若每日三次服用伊齊奧兒○。三丸。及洗滌子宮亦屬敷衍療治之一法。自行注意者首在身體安謐。並保養溫和下腹。尤宜極暖。如能在溫泉沐浴尤爲相宜。

二二子宮實質炎 此病最多。大概皆因月經時感冒。身體過勞。交接過度。淋病毒之傳染。產育時之不善衛生而起。子宮高腫。兼發疼痛。初時如傷風。然惡寒發熱。繼而下腹部劇痛。便溺頻數。甚或有嘔吐者。陰部中常有惡臭之物。漸瀝下降。且有無數血液混習其中。即赤帶。預防之法在於產後或。



月經時注意衛生不可爲無理之事。不同衾不食辛辣及一切有戟刺性之食物。宜靜臥。臥時腹部宜少高。此乃普通之預防法。至慢性病出濃甚多者。宜頻以溫水洗浴。更以百倍之單寧酸水百倍之明礬水等時時洗滌子宮。惟不諳醫理者不能貿然行之。蓋恐損及他部也。而本章第一款所述之內膜炎一條。所述各節尤宜切記。如用鹽水洗浴者尤佳。其瀕海而居者夏時海浴可也。

## 第十七章 妊娠

吾人結婚之第一目的乃在能製造小兒。不徒在體慾上愉快。前章已詳述之。在初結婚之青年大抵對於子息一道淡然置之。此實大誤。一至晚年抱伯道悲者悔已無及。大千世界比比皆然。噫天下之悲苦孰有過於孤獨者乎。卽一旦醒悟而時不我待。多方設法徼倖而得已在暮年所謂夕陽無限。



好可惜。近黃昏是也。今將壯年得子。與暮歲弄璋之得失優劣比較之如下。

(一)壯年產生之子多健旺。暮歲多孱弱。

(二)壯年產生之子多聰俊。暮歲多愚魯。

(三)壯年多產男子。暮年產男非易。多產女子。

(四)壯年產生之子可得子之助力。暮年則否。

準上四端而觀。壯歲與暮年等是生子。其優劣奚止霄壤。雖然。諺有曰。搖會養兒子。力大無用處。似又無甚把握。誠然。但亦未必完全一無把握。蓋吾人之天賦。人身中有完全製造小兒之機能。非如搖會乃吃靈於花骨子也。果不娠者。雙方或一方面必有疾病。(疾病及原因已詳前)設男子能保蓄強健之精蟲。女子能產完全之卵珠。一無疾病而膝下杳然者。吾未之信也。娠妊之原理。係精蟲與卵珠會合。即時成立。其地點乃在子宮。手段即房事。



是也。然其方法一不得當。便不克娠妊。以近日醫學上之見解而論之。凡女子月經來潮。實爲催促娠妊自然之妙機。此時健全之卵珠。新自卵巢輸送而來。以待精蟲之會合。其子宮內膜之舊上皮。亦皆剝脫而生新上皮。卽爲包被妊孕卵之準備。故最適於娠妊。依向來所實驗。凡月經來潮後一禮拜之間。最爲妊孕之好時期。相傳有某富豪之妻。每歲必舉一子。而秉體虛弱。懼其益致衰弱也。每逢月經後。必赴別墅避之。經過十日方歸。於是五年之間。始娠妊一次。此亦極有趣味之一實例也。此外交接時之位置。亦與娠妊有莫大關係。能使精蟲易達於子宮內部。而易受胎。且稍足以助其受孕作用。其不娠妊之一種療法。卽在交接後。使婦人臥於右枕。休養片時。其法是大凡女子奮興達於極度者。其子宮下部卽下降至腔內。足以吸收精液。故婦人之能奮興。亦足以爲受胎之一助。據虎律克博士所云。謂有某伯爵



夫人者。其平日欲舉子與否。能自有把握。如身體不少前進。一任其夫之所爲。而已則奄然高臥。則決無娠妊之事。一日忽異常奮興。已爲主。而其夫似居賓位也者。交合經時。而其腹已翹然。便得一子。嗣後援例而行。今已舉五子。無少差誤。博士又曾實驗者也。由是以觀。則當交媾時。男女皆不應他顧。惟互相鼓吹。其情慾亦未始非不妊症療治之一道也。

## 第十八章 不妊症之原因

前章不云乎。吾人天賦有生殖之機能。其不孕者有疾病在也。不妊之原因。男女均有。茲分述之如下。

(一) 男子之不妊症。男子之不妊。第一爲精液缺乏症。其大半多由睪丸炎及其他原因而起。使製造精蟲之機能中道停止。淋病卽其先兆也。依實際統計觀之。凡不妊症百人中。內有二十一人三分爲淋毒性睪丸炎所致。



如初時曾施以適當之療法。或僅暫時受病者。大致無妨。惟精蟲缺乏之症。則無論以何法治之。斷難全愈。昔人七出之說。中有（無子必出）一條。在今日難再行之。蓋不妊之罪。未可專屬於婦人。即男子亦有者也。其次則爲梅毒。蓋梅毒性之睪丸炎。其原因正與上同耳。其三則爲陰萎。然以適當之療法行之。未有不全愈者。其四乃爲陰莖彎曲。不能行房。能請有經驗之專門醫生醫之。施以手術。亦可全愈者也。

（二）女子之不妊症。女子不妊症之原因。其最重者。爲淋毒性之子宮內膜炎。子宮頸管炎。子宮實質炎。及周圍組織之疾病。膕瘕。攣處女膜。堅硬等。要亦可依相當之法而治愈之。無大害也。其次則爲子宮前屈及後屈症。（後屈者。非經妊娠一次者。不得有此。）前屈性爲先天性。於實際上其生殖器無異平常。惟結婚之後。經若干年。久而無子者。多屬此症。如施以適當之



手術可得而匡正之。其實例甚多。凡患此者宜急就產科或婦人科醫師診斷之。是爲必要。某君結婚十年不孕。乃由東京醫科大學診定爲前屈症。而施以手術。未幾竟胎。今已舉多子矣。至於腔中分泌液之酸性較強者。足使精蟲麻醉。亦爲不妊之原因。如有此症。宜於行房前用五十倍之砂糖水煎溫洗之。其最難治者爲女子陰萎。條中所述之明珠欠乏症。至今醫生遇此皆束手無策也。此外如子宮萎小。亦爲不妊症之一大原因。此症有胎兒子宮小兒子宮先天性消削子宮三種。有此種子宮之婦人。雖至破瓜及結婚期。其子宮之發育不能完全。並有障礙其身體之發育者。或竟內外生殖器官皆不完全。經血全無。或少或多。經期不整。來潮時起劇烈之疼痛者。而於情慾則毫無感覺。如此則大都不能妊娠。卽孕亦終不免流產三種。中惟先天性消削症。不過一時中止其發育。過二十歲或結婚後。惟須常行適當之運。



動入浴。兼行按摩。能望其機能之恢復。胎兒子宮及小兒子宮。雖至年長。決難望其妊娠也。

## 第十九章 胎兒及乳兒之調養

吾人行適當交接之後。忽月經停止。身體各部亦異其狀態。時作惡心。嘔酸。身體冷熱消長無定。顏色甚紅。或甚蒼白。好食酸物。生殖器亦異狀。子宮之容積。次第增加。膾及外陰部等。甚覺弛緩。內膾闊大。而增白色之分泌液。乳房漸次膨大。乳頭呈黑褐色。大抵自初月或三四月間。顯此徵候。是妊娠之佳兆。但此種徵候。亦有因他病而起者。故須經有經驗之醫生斷定。不能以意度也。在此期中。須飲食調勻。寒暖適度。多吸新鮮空氣。宜稍事運動。但不可過勞。及登山攀援。忌食辛辣。及容易刺戟之食物。腰部宜常保溫度。最好用法。蘭絨或溫軟之布帛。圍繞之。既保溫暖。又可藉此。不使腰部曲折。夫婦



宜分衾。忌發怒。及悲哀。宜食淡泊。有滋養品之食物。此卽保護胎兒之唯一方法也。如此歷四五月。腹中覺有微動。如無出血及其他之異狀者。可不必憂慮。但有梅毒者。頗爲危險。如平素未罹大病者。以勿勞精神。勿爲恐怖驚愕等。且勿濫用藥物也。普通經過四十星期。卽能分娩。臨產時亦須安定心神。勿張皇恐怖。腹中覺初痛時。最好不向人言。能在房中。或戶外。緩步則最妙。否則靜臥可也。世人往往覺腹中微痛。張皇驚恐。方寸大亂。經穩婆之手。八脚反致難產。橫生。乃頻於危。尤以初胎爲甚。產婦不可不注意者也。蓋兒在腹中。通過子宮口時。距出產期。普通尙須十四小時。設於此時。張皇失措。硬欲臨盆。其危險何堪設想。此在產婦。不可不稍事忍耐者也。經過一定之時間。一此種時間。殊不一定。有一二時後。卽臨盆者。有遲至四十小時者。一自然呱呱墮地。所謂瓜熟蒂落。乃自然之理也。分娩後。在二十四小時內。



切勿完全穩臥。祇可將被褥等摺疊成靠背。然產婦靠而假寐。一晝夜後。方可安心靜臥。一二星期後。可在屋外步行。樓梯之升降等。須四星期後。方可行之。食物於分娩後。宜用牛乳等之液體。第一回大便之後。始食易於消化之物。經一星期間。漸漸慣於食物。酒類及其他辛辣性食物。二星期以內。切勿可用。每日以緩和之防腐藥洗滌腔內二次。腰部股間尤宜清潔。腹部仍以法蘭絨圍繞。注意大小便之通利。若便秘。宜請有經驗之婦科或產科醫生醫治之。產婦如無異狀。六星後。生殖器自然後原。惟交接。非八星期後。萬萬不可行也。

初生兒之臍帶。如強健者。平均在五日後全行脫落。遺留溼潤之內芽。再經十一日至十五日。始得愈合而爲臍。最初之大便。作青黑色。無臭氣。三四日後變爲黃色。惟仍無臭氣。通常一日之大便爲二次。至四次。小便爲無臭氣。



之透明液。排出之次數極多。初生兒之狀態。多似黃疸。大抵二三日而愈。在強健之兒。則不見有此病容。初生兒之體溫。平均爲三十七度。宜注意時季之溫度。初產時。洗淨拭乾而後包紮之。勿使受冷。亦不能過暖。大小便尤宜注意。須隨時取換。其時宜使之平臥床上。如在寒天。兼用湯婆子。將尿布溫暖。並注意清潔。其口腔內及腋窩。須使完全乾燥。格外小心。以助小兒之生長。在出產後一年之內。務須分外注意。蓋人之死亡數。在出產後一年內。爲最多。統計所得。實占百分之三十五。因生後尙無幾時。其身體之諸機關。異常軟弱。故不能抵抗氣候之變化及其他之障害也。故欲小兒之健全。須注左列之諸要點。

(一)衣服務適合於時候之溫暖。衣料以法蘭絨爲最佳。木棉次之。衣服宜稍寬大。勿使緊縛。洗濯須勤。尿布每次須更換。待其乾燥而後用之。



(二)臥室於小兒之保育上。最爲緊要。而通常爲人父母者。每不甚注意。蓋此等毒害。非直接顯於目前。迨至小兒受其影響。悔已無及。故臥室當選空氣間。接流通。在閒靜之室。使小兒橫臥於柔軟之衾褥上。決不可使之仰臥。橫臥亦不可偏於一方。須斟酌相當之時。左右均易其位置。被覆須用輕暖者。四季皆須掛帳。以防蟲類之襲。亦可防直接之風。

(三)入浴爲小兒成育上必要之事。雖在冬季。亦須使之入浴。惟當注意。勿使直接當風。其溫度通常以攝氏三十七八度爲適宜。眼目口鼻及腋下陰部。下臍股間。尤須清潔。入浴以外。宜每日洗滌下體。

(四)小兒之身體。勿使其上下左右動搖。不可在小兒室內吸烟。不可發大聲。以驚小兒。小兒之頭髮指足爪。勿使延長。無使未滿十六歲者。抱小兒散步戶外。勿使日光直射。勿使聞電聲及其他之大音響。勿使持尖銳。



之玩具勿入脚爐於臥床之中。若因天氣寒冷可用湯婆子乳母車及搖籃等。往往有不良之結果。更宜注意及之也。

此外飲食必須均勻。不可食過飽之茶食。睡眠在一歲以內。必使睡足十四小時。二三歲時。十二小時。勿使行過勞之運動。及不規則之行爲。言語亦須時時導以通常上流之言語。勿使學習下流。遇小有疾病時。立時請有經驗之專門醫生診治。勿使延蔓而不可收拾。綜之衛生之道。在小兒尤爲緊要。一至四五歲時。須及時施以教育。否則送入相當之幼稚園。養成其教育之基礎。則大器可期。不待龜筮也。

## 第二十章 結論

吾人自墮地一聲。迄夫奄然長逝。其間之經過。享上壽者。不過八十。而杜甫已有「人生七十古來稀」之句。可見七十八十古時已稀。平均計之。吾人之年



齡大約在五六十歲之間。然則幼年而殤。青年而夭者。又不知凡幾。卽不殤不夭。徼倖而享耄壽。試問此五六十年的歲月。亦不過積若干剎那間耳。故佛家有曰。人生如朝露。如夢幻泡影。如雷亦如電。深慨夫人生之不久也。吾人既丁此至暫之年歲。而須求一生之事業。中間又須減去幼年時代之求學與閱歷若干年。老年力衰若干年。平均又去十分之五。是則爲暫中之暫矣。設再立脚不穩。頽喪厥志。甚或疾病纏身。遇事無爲。則有忝人職不大可哀耶。吾編既竟而不能已於言者。恐一般青年誤認其徑借神聖之生殖。爲導淫之具。須知水能利人。玩之則溺。男女之愛。固屬天賦。而耽之則死。無可或逃者。此則期望初結婚之青年。深體此旨。不自戕伐。留此寶貴之身體。在剎那之時間中。爲社會謀幸福。爲箇人立事業可也。











EAST-ASIAN LIB. UNIVERSITY OF TORONTO



3 1761 03110 9887

FOR USE IN  
LIBRARY  
ONLY

HQ  
743  
H85  
1922  
v.2

BRITTLE SHELF